

Nawae Najam **kêtôm** **JOAN KETO**

Nawae Najam kêtôm Joan Keto nec gêwa Jesu sa gebe Anôtônê Biñ ênêc tenjen to tenjenja en, tañ “kêtu ñamalac mêngêmoa nom gêwiñ aêac”. Teto Nawae Najam ñam buku tau gêwa sa gebe Lau tê sêsam-sêsam nê, sêkên êwiñ Jesu gebe Kilisi tau, tañ Anôtô gêjac mata en nañ, Anôtônê Latu tau ma lau, tañ sêkên êwiñ en oc sêngôn maten jali nañ (20:31).

Joan Gêjac m nê Nawae Najam gêwa Jesu sa gebe Anôtônê Biñ Tau ênêc tenjen to tenjenja, tañ ñaê lulu sêkwa taunjen. En keto gêñtalô ñagêdô, tañ sêwaka Jesu sa gebe Kilisi, tañ Anôtô gêjac mata nañ, to Anôtônê Latu en. Go keto gêñtalô ñabingalôm, tañ gêwa biñ nañ Anôtô geoc lasê ña gêñtalô tau nañ, ñam sa. Buku ñasêbu tonan gêjac ñagêdô sêkên gêwiñ Jesu to tédaguc en ñamiñ, mago ñagêdô sêli taun sa gêdên en ma sêjac jao taun e sêkên gêwiñ en atom. Jesu to nê ñacsenjomi sêbiñ taun tôñ ñañêngosu, tec kêtu awê gêdên gêbêc, tañ sêkôc en tôñ nañ, ma kêpi biñ, tañ en kêkên puc to gêjac êsêac têntac tôñ gêdên tañ ñacjo sêjac en kêpi ka ñanoc kêdabiñ nañ. Joan keto biñ tonan gêc môlêlatu 13-17. Go sêkôc Jesu tôñ to sêmêtôc ênê biñ ma sêjac en kêpi ka e gêdi sa to jageoc tau lasê gêdên nê ñacsenjomi ñamiñ nañ, teto gêc môkêlatu ñamuña.

Joan tec kêwaka biñ tonec sa gêc awêgen gebe Dangôn maten jali ñam kêsêp Kilisigen. Anôtô gêsun moasin ñanô gêdên ñamalac sêkôc ñaômagen. Moasin tau en galocgen gêjac m ma kêkên lau,

tañ sêkêñ gêwiñ Jesu gebe intêna to biññanô ma danjonj maten jali ñamôkê en nan ñawae (14:6). Go Joanê biñ taujala teñ tonec gebe gê dôñ gêñ ñanô undambêña kêpi ñamalacnêñ gêñ kêtôm bêcgeñña amboac bu to mo ma ñawê to gejobwaga to nê domba ma wainmôkê to ñañanô.

Ñadênanj

1. Biñandanj 1:1-18
2. Ñackêsagu Joan ma Jesunê ñacsenomi ñamataña 1:19-51
3. Jesu kêtôm nê sakinj sa gêjam mêtê lau gêmoa awêgeñ 2:1-12:50
4. Jesunê bêc ñamuña anja Jerusalem to malac, tañ gêc malac tau ñagala nan 13:1-19:42
5. Apômtau gêdi sa anjanaccmatênêñ ma geoc tau lasê 20:1-31
6. Ñatêkku gebe Apômtau geoc tau lasê anja Galilaia gêwiñ 21:1-25

Biñ danjônj maten jaliña

¹ Anôtô kêtôm undambê to nom atomgeñ nan Biñ tau gêmoa. Biñ tau tonan gêmoa jagêwiñ Anôtôgeñ, ma Biñ tau nan Anôtô tau.

² Anôtô kêtôm undambê to nom atomgeñ nan Biñ tau gêmoa jagêwiñ Anôtôgeñ.

³ Anôtô kêtôm gêñ samob ña engeñ. En kêtôm gêñ teñ ña en masi nec atom.

⁴ Maten jali ñam gêc Biñ tau ma maten jali tau tonan kêtôm ñamalacnêñ ñawê.

⁵ Ñawê tau tec mênkêpô ñakesec, mago ñakesec gêjam auc atom.

⁶ Anôtô kêtôm ñamalak teñ, nê ñawê Joan.

⁷ Enj gêmêñ gebe êwa Biñ sa, gebe êwa ñawê tau ñam sa, gebe ñamalac samob sêñô ênê biñ ma sêkêñ êwiñ.

⁸ Ñac tau tonañ ñawê tau enj atom, gêmêñ gebe êwa ñawê ñam sagenj.

⁹ Ñawê ñanô tau tonec mênkêsêp nom e kêpô ñamalac samob.

¹⁰ Enj gêmoa nom ma Anôtô kêkêñ nom ña enj, mago lau nomña sêjala enj atom.

¹¹ Enj gêmêñ tau nê gamêñ, mago nê lau sêkôc enj sa atom.

¹² Lau tañ sêkôc enj sa to sêkêñ gêwiñ enj nañ, tec kêkêñ ñaclai gêdêñ êsêac gebe têtú Anôtônê ñapalê.

¹³ Êsêacnêñ ñam kêsêp dec to têntac kêkac ma ñac teñ kêka lasêña atom. Nêñ ñam jakêsêp Anôtôgenj.

¹⁴ Biñ tau kêtú ñamalac mêngeñoa gêwiñ aêac. Ma aêac talic ênê ñawasi, tañ moasiñ to biññanô gêjam enj auc nañ, ma ñawasi tau kêtôm Tama kêkêñ gêdêñ Latu tagenj.

¹⁵ Joanj gêwa enj ñam sa kêkac awa sagenj gebe “Ñac tau, nañ kasôm ênê biñ gebe ‘ñac tañ êndanğuc aê êmêñ nañ, gêmunj aê gebe enj kêtú aêñoc ñamata.’ ”

¹⁶ Aêac samob takôc moasiñ to moasiñ anğa gêñ, tañ gêjam enj auc samucgenj nañgoc.

¹⁷ Anôtô kêkêñ biñsu gêdêñ Mose kêsôm lasê, ma moasiñ to biññanô kêsa anğa Jesu Kilisi nê.

¹⁸ Ñamalac teñ gêlic Anôtô atomanô, Anôtônê Latu tagenj, tañ gêñgônj Tama labum nañ, gêwa enj ñam sa.

*Ñackêsagu Joanj gêjam mêtê
(Mat 3:1-12; Mar 1:1-8; Luk 3:1-18)*

19 Juda sêsakinj lau dabun waga to Lewinê wakuc anja Jerusalem dêdên Joanj sêja gebe têtû kênac enj gebe “Aôm asa.” Ma Joanj gêwa binj amboac tonec sa

20 ma kêsôm lasê to gêsaj binj tenj auc atom, kêsôm lasêgenj gebe “Aê Kilisi tau atom.”

21 Tec êsêac têtû kênac enj gebe “Amboac ondoc, aôm Elia me.” Ma enj kêsôm gebe “Aê enj atom.” Tec têtû kênac enj gebe “Aôm oc propete tau me.” Tec enj gêjô êsêac awenj gebe “Masi.”

22 Go têtû kênac enj gebe “Aôm asa. Ôsôm acgom gebe awa binj sa êndênj lau, tanj sêsakinj aêac nanj. Aôm taôm ôwa taôm sa acgom.”

23 Tec enj kêsôm gebe

“Aê ñac tenj awa, tanj gêmôêc gêmoa gamênj sawa gebe ‘Amansanj Apômtaunê intêna’ amboac propete Jesaia kêsôm.”

24 Go lau, tanj Parisai sêsakinj êsêac nanj,

25 têtû kênac enj gebe “Aôm Kilisi tau atom ma aôm Elia atom, ma aôm propete tau atom, mago amboac ondoc tec kôsagu lau.”

26 Tec Joanj gêjô êsêac awenj gebe “Aê tec kasagu lau ña bugenj, ma ñac tau, nanj amac ajala enj atom nanj, tec wackêkô amac ñalunjenj.

27 Enj kêdaguc aê gêmênj, ma aê katôm gebe janac pêla ênê atapa ñalêkônj atom.”

28 Binj tonanj kêsa Betania, nanj gêc Jordan ñamakenj ônêña, gamênj tanj Joanj kêsagu lau gêmoa nanj.

Anôtônê domba

29 Nagelen Joaņ gêlic Jesu gêdêņ enj gêmêņ ma kêsôm gebe “Kec, nê Anôtônê domba, taņ kêsip ņamalacnêņ sec su naņ, tau tônê.

30 ņac tau, taņ ņawa enj sa gebe ‘ņac tenj êndanĝuc aê êmêņ, naņ gêmunj aê gebe enj kêtû aêņoc ņamata.’

31 Aê tec kajala enj kwananĝenj atom, mago Anôtô gebe lau Israel sêlic enj, tec aê mênkasagu lau ņa buĝenj.”

32 Joaņ gêwa binj ņagêdô sa gebe “Aê galic ņalau kêsêp anĝa undambê amboac balôsi mênĝemoa gêwinj enj.

33 Aê tauc tec kajala enj kwananĝenj atom. Mago ņac, taņ kêsakinj aê gamêņ gebe jansaņgu lau ņa bu naņ, kêsôm gêdêņ aê gebe ‘Aôm oc ôlic ņalau êsêp mênêmoa êwinj ņac tenj. Ma ņac tau tonanĝ oc ênsaņgu lau ņa ņalau Dabunĝ.’

34 Binj tonanĝ aê galic, tec gawa sa gebe Anôtônê Latu enj.”

Jesunê ņacseņomi ņamataņa

35 Nagelenj ma Joaņ to nê ņacseņomi luagêc sêmu jasêkô kêtiam

36 e Joaņ mataanô gêlic Jesu kêsêlêņ gêmêņ ma kêsôm gebe “Kec, nê Anôtônê domba.”

37 ņacseņomagêc tau sêņô enj kêsôm binj tonanĝ, tec têdaguc Jesu sêja.

38 Jesu kêsa tau ôkwi e gêlic êsêagêc têdaguc enj ma kêtû kênac êsêagêc gebe “Amagêc asôm asanĝenĝ.” Ma êsêagêc sêjô enj awa gebe “Rabi” (tanam ôkwi gebe Mêtêmôkê), “aôm gôêc ondoc.”

39 Ma enj kêsôm gêdêņ êsêagêc gebe “Amêņ, mênalic.” Tec êsêagêc sêja sêlic gamêņ, taņ enj ĝêc

nanj, ma gêdêñ bêc tonanj agêc sêmoa sêwiñ enj. Ma biñ tonanj gêdêñ oc gebeñ kwalamgenj.

⁴⁰ Naclagêc tanj sêñô Joanj kêsôm biñ tau e agêc têdaguc Jesu sêja nanj, nêñ ñac tenj tec Simon Petere lasi Andrea.

⁴¹ Ñac tau kêtap têwa Simon sa kêtû ñamata ma kêsôm gêdêñ enj gebe “Aêagêc atap Mesia tau sa” (tanam ôkwi gebe Kilisi).

⁴² Go gêwê têwa gêdêñ Jesu gêja. Jesu mata gê enj ma kêsôm gebe “Aôm Joanj latu Simon, tasam aôm gebe Kêpa acgom” (tanam ôkwi gebe Petere).

Jesu kêkalem Pilip agêc Natanael

⁴³ Nagelenj Jesu gebe êna Galilaia e gêdac Pilip ma kêsôm gêdêñ enj gebe “Ôndanğuc aê.”

⁴⁴ Ma Pilip tau anğa Andrea agêc Petere nêñ malac Betsaida.

⁴⁵ Pilip gêdac Natanael ma kêsôm gêdêñ enj gebe “Ñac tanj Mose keto biñ kêpi enj gêc biñsu to propete teto nanj, aêac atap enj sêñac. Enj Josep latu Jesu anğa Nasaret.”

⁴⁶ Ma Natanael kêsôm gêdêñ enj gebe “Gêñ ñajam tenj oc mênêsa Nasaret me.” Tec Pilip kêsôm gêdêñ enj gebe “Ômôêñ ôlic.”

⁴⁷ Jesu gêlic Nata nael gêdêñ enj gêja ma kêsôm kêpi enj gebe “Kec, Israel ñanô enj, biñdansañ tenj gêc ênê ñalêlôm atom.”

⁴⁸ Natanael kêtû kênac enj gebe “Gôlic aê anğa ondoc.” Tec Jesu gêjô enj awa gebe “Pilip gêmôêc aôm atomgenj, ma aê galic aôm kôkô jambô ñalabu.”

⁴⁹ Ma Natanael gêjô enj awa gebe “Mêtêmôkê, Anôtônê Latu aôm, Israelnêñ kiñ aômğoc.”

⁵⁰ Go Jesu gêjô eñ awa gebe “Aê kasôm gêdêñ aôm gebe Galic aôm kôkô jambô ñalabu, tec kôkêñ gêwiñ aê nec me. Aôm oc ôlic ñanô ñagêdô êlêlêc gêñ tonan su.”

⁵¹ Ma kêsôm gêdêñ eñ gebe “Biññanô, aê jasôm tobiññanôgeñ êndêñ amac gebe Amac oc alic undambê êña ma Anôtônê añela sêpi sêsêp dêndêñ Ñamalacnê Latu.” * sêjam ñaê Petere ôkwi kesep taun awen gebe Kêpa. l

2

Senj awê to ñac ñamoasiñ anğa Kana

¹ Ñabêc kêtú têlêac, go sêsi awê anğa Kana Galiliana ma Jesu têna gêmôa gêwiñ.

² Ma sêkêñ jaen gêdêñ Jesu to nê ñacsenjomi gêja amboac tonan gebe sêniñ moasiñ sêwiñ.

³ Wain kêpa, tec Jesu têna kêsôm gêdêñ eñ gebe “Êsêacnêñ wain masi.”

⁴ Ma Jesu kêsôm gêdêñ eñ gebe “Awê, aêagêcnêñ asagen ñagêdô gadêñ taun. Ñoc noc mênkêsa atom tagen.”

⁵ Go têna kêsôm gêdêñ sakiñwaga gebe “Eñ embe êsôm biñ ten êndêñ amac, nan anğôm.”

⁶ Lau tau nêñ kupoc buña 6 kêkô kêtôm Judanêñ biñ sêkwasiñ taun têtú selecña. Ku tau tagen ñalêlôm kêtôm sêsêwa bu bakep luagêc me têlêac êsêpña.

⁷ Tec Jesu kêsôm gêdêñ êsêac gebe “Asuñ bu êsêp ku tonan e mênêc.” Tec êsêac sêsusñ bu kêsêp e mênêc poap tagen.

* **1:51:** Ñae Kepa to ñae Petere ñam tagen gebe poc. Lau Juda

⁸ Go kêsôm gêdêñ êsêac gebe “Galoc akati ma akôc andêñ Njac-kêsaê-gêñwaga ana.” Tec êsêac sêkôc sêja.

⁹ Njac-kêsaê-gêñwaga kêsaê e gêlic bu kêtû wain ma gêjam kauc ñam. Tagn sakinwaga, tañ sêsun bu tau nan, tec sêjalagac. Go gêmôêc ñac-gêjam-awêwaga

¹⁰ mênkêsôm gêdêñ en gebe “Lau samob sêkêñ wain ñajam lau sênôm gêmun e kêtôm, go sêkêñ wain ñaôma kêdaguc. Ma aôm kôgamin wain ñajam e galoc, go kôkêñ.”

¹¹ Jesu gêjac m nê gêñtalô kêpi gêñ tonan anga Kana Galilainan ma geoc nê ñawasi lasê, ma nê ñacseñomi sêkêñ gêwiñ en.

¹² Gêgôm gêñ tonan su, go agêc têna ma lasii to nê ñacseñomi sêsêp Kapanaum sêja jasêmoa tonan bec ñagêdô.

*Jesu kêjanda têtulu-gêñwaga anga lôm dabun
(Mat 21:12-13; Mar 11:15-17; Luk 19:45-46)*

¹³ Judanêñ Pasa kêdabin, tec Jesu kêpi Jerusalem gêja.

¹⁴ Anga lôm dabun en kêtap sa gebe lau sejon bulimakao to domba ma balôsi gebe lau sênam ôli, ma sêjô-monewaga sêngôn sêwiñ.

¹⁵ Tec gêjam lêpoa kêtû bôcômbin ma kêjanda êsêac samob to nêñ domba ma bulimakao anga lôm dabun sêsa awê sêja. Go kêsêwa sêjô-monewaga nêñ mone sin ma kêtin tebo pinpon.

¹⁶ Ma kêsôm gêdêñ lau-têtulu-balôsiwaga gebe “Akôc gêñ tau sa êsa awê êna. Anğôm Tamocnê andu Êtu andu sênam ôli gêñna atom.”

¹⁷ Ma nê ñacseñomi taên gêjam bin, tañ teto gêc nan gebe “Gaim tauc su katu nêñ andunja.”

18 Tec Juda têtù kênac enj gebe “Aôm gôgôm gên amboac tonan, nan ôwa taôm sa ña gêntalô ondoc êndênj aêac.”

19 Ma Jesu gêjô êsêac awenj gebe “Embe ansej lôm dabuj tonec su ma oc jakwê sa êtôm bêc têlêac êtiam.”

20 Tec Juda sêsôm gebe “Lôm dabuj tecenec sêkwê sêmoa e jala 46 gêjaña, ma aôm tonan gobe ôkwê sa êtôm bêc têlêac me.”

21 Jesu kêsôm biñ lôm dabujña tonan kêpi tau ôli.

22 Gêdênj tanj Anôtô gêñu Jesu sa anja ñacmatênênj nan, nê ñacsenomi taênj gêjam ênê biñ tau tonan ma sêkênj gêwiñ biñ, tanj teto gêc to biñ Jesu kêsôm nan.

Jesu kêjala lau samob

23 Jesu gêmoa Jerusalem gêdênj omsêga Pasa ma gêgôm gêntalô lau taêsam sêlic, tec sêkênj gêwiñ ênê ñaê.

24 Mago Jesu kêkênj tau pan-panj gêdênj êsêac atom, gebe kêjala êsêac samob,

25 ma kêpô lêna lau sêwa ñamalac tenj ñam sa êndênj enja atom, gebe enj tau kêjala biñ, tanj gêc ñamalacnênj ñalêlôm nan.

3

Jesu agec Nikodeme

1 Parisainênj ñac tenj gêmoa, nê ñaê Nikodeme. Enj Judanênj kasêga tenj.

2 Ñac tonan gêdênj gêbêc gêdênj Jesu gêja ma kêsôm gêdênj enj gebe “Mêtêmôkê, aêac alic aôm mêtêmôkê anja Anôtônê tec gômôênj, gebe gêntalô tanj aôm gôgôm nan, ñamalac tenj oc êngôm êtôm atom, Anôtô êwiñ enj acgom.”

³ Ma Jesu gêjô en awa gebe “Biñjanô, aê jasôm tobiñjanôgen êndên aôm gebe Ñamalac ten embe êtu wakuc atom, oc êtôm gebe êlic Anôtônê gamên atom.”

⁴ Go Nikodeme kêsôm gêdên en gebe “Ñamalacanô êtôm gebe êtu wakuc êtiam amboac ondogen. Oc êtôm gebe êsêp têna têtacêlôm êtu dim luagêc ma êkôc en êtiam me.”

⁵ Tec Jesu gêjô en awa gebe “Biñjanô, aê jasôm tobiñjanôgen êndên aôm gebe Bu to Ñalau embe êkôc ñamalac êtu wakuc atom, oc êsô Anôtônê gamên êna atom.

⁶ Gên tañ ôli kêkôc nañ ôli, ma gên tañ Ñalau kêkôc nañ ñalau.

⁷ Ôñac lêmam atom gebe kasôm gêdên aôm gebe ‘Amac atu wakuc êtiam.’

⁸ Mu kêsêlên amboac kêsêlên. Aôm gônô ñakicsêa, mago mu-m to mutêpôê nañ gôjam kauc. Lau tañ Ñalau kêkôc êsêac nañ, nên biñ amboac tonañ.”

⁹ Ma Nikodeme gêjô en awa gebe “Biñ tonañ êtu anô amboac ondoc.”

¹⁰ Jesu gêjô en awa gebe “Israelnên mêtêmôkê aôm, mago gôjam kauc biñ tonec me.

¹¹ Biñjanô, aê jasôm tobiñjanôgen êndên aôm gebe Gên tañ aêac ajala nañ, tec asôm lasê, ma gên tañ aêac alic nañ, tec awa sa. Mago amac akôc aêacma biñ, tañ awa sa nañ, sa atom.

¹² Aê kasôm biñ nomña gêdên amac, mago akên gêwiñ atom. Ma embe jasôm biñ undambêña êndên amac, oc akên êwiñ amboac ondoc.

¹³ Ñamalac ten kêpi undambê gêja atom, ñac tagen, tañ kêsêp anga undambê gêmên nañgen. En Ñamalacnê Latu tau.

14 Mose gêjac moac ñakatu sa ança gamêñ sawa ma oc sênac Ñamalacnê Latu sa êtôm tônê,

15 gebe ñamalac samob, tañ sêkêñ gêwiñ eñ nañ, sêngôñ maten jali tengeñ.”

16 Gebe Anôtô têtac gêwiñ ñamalac kain ten, tec kêkêñ nê Latu tagen gêmêñ gebe samob, tañ sêkêñ gêwiñ eñ nañ, sênaña atom, sêngôñ maten jali tengeñ.

17 Gebe Anôtô kêsakin Latu tagen gêmêñ nom, gebe êmêtôc ñamalac atom, gêmêñ gebe ênam ñamalac kêsi.

18 Lau tañ sêkêñ gêwiñ eñ nañ, oc êmêtôc êsêac atom. Ma lau tañ sêkêñ gêwiñ eñ atom nañ, têtac mêtôc sagac, gebe sêkêñ gêwiñ Anôtônê Latu tagen nê ñaê atom.

19 Mêtôc tau ñam amboac tonec gebe ñawê gêmêñ nom, mago ñamalac têtac gêwiñ ñakesec kêlêlêc ñawê su, gebe sêgôm nêñ secgeñ.

20 Lau samob, tañ sêgôm sec nañ, têtac gedec ñawê ma oc nasêo lasê ñawê tau atom, gebe ñawê oc êmbu êsêacnêñ kolen.

21 Ma lau tañ sêgôm binñanô ñanô kêsa nañ, tec oc nasêo lasê ñawê gebe êpô nêñ kolen e ênêc awê, gebe sêgôm toAnôtôgeñ.

Jesu agêc ñackêsagu Joan

22 Bin tonan su, go Jesu to nê ñacsenjomi sêja gamêñ Judaiana. Eñ gêmoea gêwiñ êsêac gêmoea tonan ma kêsagu lau.

23 Ma Joan kêsagu lau gêmoea Aion, tañ gêc Salim ñagala nañ amboac tonan gebe bu taêsam kêpoac tônê, tec lau sêja jakêsagu êsêac,

24 gebe gêdêñ tonañ sêkêñ Joañ gêñgôn kapoacwalô atomgen.

25 Joañné ñacseñomi to ñac Judaña ten ac sêpa taun kêtú biñ sêkwasiñ taun têtú selecña.

26 Go êsêac dêdêñ Joañ sêja ma sêsôm gêdêñ en gebe “Mêtêmôkê, ôlic acgom, ñac nañ agêc amoa Jordan ñamakerñ ôñêña awiñ taôm ma gôwa en ñam sa nañ, tec tau kêsagu lau ma samob dêdêñ en sêja.”

27 Tec Joañ gêjô êsêac awen gebe “Ñamalac ten tau êkôc gêñ ten êtôm atom, Anôtô êkêñ êndêñ en acgom.

28 Taôm anôgac gebe kasôm gebe ‘Aê Kilisi atom, mago Anôtô kêsakiñ aê gamuñ en.’

29 Ñac tañ sêsi awê gêjac en ñawae nañ, kêtú ñac-ênám-awêwaga. Mago ñac-ênámawêwaga nê ñac, tañ jakêkô ma gêñô en nañ, kêtú samuc ñac-ênám-awêwaga nê awa. Ma galoc aê amboac tonañ têtac ñajam kêlêlêc samucgen.

30 En êtôp ma aê jamêliñ.”

31 En tañ anga lôlôc nañ, kêlêlêc samob su. En tañ nê ñam gêc nom nañ, kêtú gêñ nomña ma kêsôm biñ nomña. Ma en tañ anga undambê nañ, kêlêlêc samob su

32 Biñ tañ en gêlic to gêñô nañ, tec gêwa sa, mago lau ten sêkôc ênê biñ sa atom.

33 Ma lau tañ sêkôc biñ tonañ sa nañ, sêlôc kêtú tôñ gebe Anôtô en Ñac biññanôña.

34 Ñac tañ Anôtô kêsakiñ en nañ, kêsôm Anôtônê biñ, gebe Anôtô kêkêñ Ñalau gêdêñ en kêtôm dôngeñ atom, en kêsêwageñ.

35 Tama têtac gêwiñ Latu, tec kêkêñ gêñ samob kêsêp en lêma.

³⁶ En tañ kêkêñ gêwiñ Latu nañ, êngôn mata jali tenjen. Ma en tañ tanapêc gêdêñ Latunê biñ nañ, êlic gamêñ êngôn mata jaliña atom, gebe Anôtô têtac nandan giñ en têngac.

4

Jesu agêc awê Samarianja

¹ Jesu kejala gebe Parisai sêñô en gêjam lau taêsam ôkwi têtû nacsenomi to kêsagu lau kêlêlêc Joan jawae,

² Jesu tau kêsagu lau atom, ênê nacsenomigen sêgôm,

³ tec gêwi Judaia siñ ma gêmu gêja Galilaia kêtiam.

⁴ Gamêñ tonan naintêna tagen kêsa Samarianagen gêja.

⁵ Tec en kêsêlêñ e gêô lasê malac Samarianja ten nê Sukar gêc kôm, tañ Jakob kêkêñ gêdêñ latu Josep nañ nagala.

⁶ Ma Jakobnê bumata kêpoac tonan. Jesu kêsêlêñ e têtwa gêbac tec gêngôn bumata tau, ma oc amboac kêkô nalunjen.

⁷ Go awê ten anga Samaria kêsa gêmêñ gebe êtê bu. Tec Jesu kêsôm gêdêñ en gebe “Ôkêñ bu mênjanôm.”

⁸ Gêdêñ tonan Jesunê nacsenomi sêsa malac sêja sebe sênam ôli mo.

⁹ Ma awê Samarianja tonan kêsôm gêdêñ en gebe “Aôm Juda ma aê awê Samarianja, mago amboac ondoc tec koten gebe jakêñ bu aôm ônôm nec.” (Gebe Juda to lau Samaria nêñ biñ gelom tau atom.)

10 Go Jesu gêjô enj awa gebe “Aôm embe ôjala gêj, tañ Anôtô kékêj nañ, to ñac tañ kêsôm gêdêj aôm gebe Ôkêj bu mênjanôm nañ, go aômgenj otenj enj gebe êkêj bu mata jaliña êndêj aôm.”

11 Ma awê kêsôm gêdêj enj gebe “Apômtau, aômnmêm laclu masi ma bu nec gacgenj kêsêp gêja su, ma aôm oc ôkôc bu mata jaliña tau anğa ondoc.

12 Aêac tamenj Jakob kékêj bumata tonec gêdêj aêac. Êsêac to latui ma nê bôc sênôm bu tau. Aôm kôlêlêc enj su me.”

13 Go Jesu gêjô enj awa gebe “Lau samob, nañ sênôm bu tonec, oc êjô êsêac êtiam.

14 Mago tenj embe ênôm bu, tañ aê oc jakêj êndêj enj nañ, oc bu êjô enj êtiam atom, êôc enj tôj endenj tôjgenj. Gebe bu, tañ aê jakêj êndêj enj nañ, êtu bumata êpulu anğa ênê ñalêlôm ma êkêj enj êngôj mata jali tenjenj.”

15 Tec awê tau kêsôm gêdêj Jesu gebe “Apômtau, ôkêj bu tonañ êndêj aê acgommanj, gebe bu êjô aê êtiam atom ma jamêj tonec êtu jatê buña êtiam atom.”

16 Ma Jesu kêsôm gêdêj enj gebe “Ôna ômôêc nêm akwenj, agêc amu amêj tonec.”

17 Tec awê gêjô enj awa gebe “Aêñoc akwenj masi.” Go Jesu kêsôm gêdêj enj gebe “Kôsôm jagêdêj gebe nêm akwenj masi.

18 Aôm gôjam ñac lemenj tenj su, ma ñac, tañ galoc gôjam gômoa nañ, nêm akwenj enj atom. Tec kôsôm jagêdêj.”

19 Ma awê kêsôm gêdêj enj gebe “Apômtau, aê galic aôm propete tenj.

20 Aêac tamenji teten mec anga lôc tônê, ma amac tec asôm gebe aten mec namala gêc Jerusalem.”

21 Go Jesu kêsôm gebe “Awê, ôkên êwiņ aê gebe noc ten oc mênêsa, nan aten mec êndên Tamoc anga lôc tônê to Jerusalem atom.

22 Amac tonan aten mec gêdên nac, tan ajala en sapu nan, ma aêac tec aten gêdên nac, tan ajala en nan, gebe Anôtô ênam namalac kêsî namoasiņ êsa anga Judanên.

23 Mago noc oc mênêsa, ma noc tau kêdabiņ su, ma êsêac, tan teten mec nanô nan, oc teten êndên Tamoc tonalau ma tobiņnanôgen. Tamoc tec gesom lau, nan teten mec amboac tonan êndên en.

24 Anôtô en Nalau, ma êsêac, tan teten mec êndên en nan, teten tonalau ma tobiņnanôgên.”

25 Ma awê kêsôm gêdên en gebe “Aê kajala gebe Mesia, tan sêsam en sebe Kilisi nan, oc êmên. Êndên noc êmênna, oc êwa biņ samob nam sa êndên aêac.”

26 Tec Jesu kêsôm gêdên en gebe “Nac tau aê, tec kasôm biņ gêdên aôm.”

27 Gêdên tonan ênê nacsenomi sêô lasê e têtakê, gebe gêjam biņgalôm gêwiņ awê ten. Mago nên ten kêsôm gebe “Aôm gobe amboac ondod,” me “Aôm kôsôm asagen gêdên en,” nec atom.

28 Awê tau gedec nê ku kêkô ma gêja malac jakêsôm gêdên lau gebe

29 “Amên alic nac ten, tê kêsôm noc gên, tan gagôm nan, samob lasê nê. Oc moae Kilisi tau me.”

30 Tec êsêac sêsa anga malac dêdên en sêja.

31 Gêdên nasawa tonan en ênê nacsenomi jateten en gebe “Mêtêmokê, ôniņ gên.”

³² Tec enj kêsôm gêdêj êsêac gebe “Aêjoc mo tenj tec gêc, amac ajala atom.”

³³ Ma ênê nacsenomi sêsôm gêdêj taunj gebe “Nac tenj kékêj gêj taniŋja gêdêj enj me.”

³⁴ Tec Jesu kêsôm gêdêj êsêac gebe “Aêjoc mo tonec gebe jaŋgôm nac, taŋ kêsakiŋ aê gamêj naŋ, nê biŋ êtu tøj to janac dabiŋ ênê kolenj.

³⁵ Amac asôm gebe ‘Ajôj aclê ênaŋja acgom, go tajoŋ kôm ŋanô sa,’ asôm me masi. Ma aê tec jasôm êndêj amac gebe Aôc matemanô ŋa alic gêj kômŋja gebe mo tau ŋakwac kêtú sôlôcgac.

³⁶ Nac-kejoŋ-sawaga kékôc nê ŋaôli tec gêmoa ma gêjac ŋanô sêŋgôj mateŋ jali tengeŋja sa, e ŋackêsêgêjwaga agêc nac-kejoŋ-sawaga lulugenj têtac ŋajam.

³⁷ Biŋ tonec biŋŋanô gebe nac tenj kêsê ma nac tenj kejoŋ ŋanô sa.

³⁸ Aê kasakiŋ amac gebe akôc kôm, taŋ ajam atom naŋ, ŋanô sa. Lau tenj gêjam ŋakôm su, ma amac akôc êsêac lemeŋgêdô su.”

³⁹ Lau Samaria taêsam aŋga malac tonaj sêkêj gêwiŋ enj kêtú biŋ, taŋ awê kêsôm lasê gêdêj êsêac naŋja gebe “Enj kêsôm aêjoc gêj, taŋ gagôm naŋ, samob gêdêj aê.”

⁴⁰ Amboac tonaj lau Samaria dêdêj enj sêja ma teteŋ enj gebe êmoa êwiŋ êsêac. Tec enj gêmoa gamêj tonaj kêtôm bêc luagêc.

⁴¹ Lau taêsam kêlêlêc sêkêj gêwiŋ enj kêtú enj tau nê biŋja,

⁴² ma sêsôm gêdêj awê tau gebe “Aêac akêj gêwiŋ kêtú aômnmê biŋjagenj atom, gebe aêac taunj aŋô to ajalagac gebe nac tecenec kêtú ŋamalac

samob nêñ kêsiwaga binñanô.”

Jesu gêgôm kiñné ñacné latu ôli ñajam kêsa

⁴³ Bêc luagêc tonan gêjaña, go Jesu gêdi anga tonan gêja Galilaia.

⁴⁴ Enj tau tec kêsôm lasê gebe “Propete tenj oc tetoc enj sa anga tau nê malac atom.”

⁴⁵ Gêdênj tanj jagêô lasê Galilaia nanj, lau Galilaianja sêkôc enj sa kêtû sêlic gênj samob, tanj gêgôm gêdênj om gêmoa Jerusalem nanja, gebe tauñ sêlic om tonan sêwiñ.

⁴⁶ Amboac tonan gêmu gêja Kana Galilaianja, tanj gêjam bu ôkwi kêtû wain nanj.

Kiñné ñac tenj gêmoa Kapanaum, nanj latu gêmac gêc.

⁴⁷ Ñac tau gênjô Jesu anga Judaia gêmênj Galilaia ñawae ma gêdênj enj jaketenj enj gebe êsêp êwiñ enj naênjgôm ênê latu ôli ñajam êsa, gebe enj awa kêtû dambê.

⁴⁸ Ma Jesu kêsôm gêdênj enj gebe “Amac embe alic gênjalô to gêñsêga atom, oc akênj êwiñ atom.”

⁴⁹ Tec kiñné ñac kêsôm gêdênj enj gebe “Apômtau, ôsêp ôwiñ aê ñagaô, gebe ñoc ñapalê oc êmac êndu.”

⁵⁰ Ma Jesu kêsôm gêdênj enj gebe “Ôna, latôm oc êmoa mata jali.” Ñac tau kêkênj gêwiñ binj, tanj Jesu kêsôm gêdênj enj nanj, ma gêja.

⁵¹ Kêselênj gêmu kêsêp gêmoa ma nê sakinwaga sêpuc enj tontônj sêja e sêsôm gêdênj enj gebe “Latôm gêmoa mata jali.”

⁵² Enj kêtû kênac ockatu ñasawa, tanj ñac tau ôli kêpôlac tau su nanja gêdênj êsêac e sêsôm gêdênj enj gebe “Gêdênj nôgenj katuñ gêmu kêsa ma ôli ñandanj gawi enj sinj.”

⁵³ Ma tama kêjala gebe oc kêtôm tonan, tec Jesu kêsôm gêdên enj gebe “Latôm oc êmoa mata jali.” Amboac tonan êsêac to nê gôlôac samob sêkênj gêwiñ Jesu.

⁵⁴ Gêntalô tonan Jesu gêgôm kêtû luagêc gêdên tanj gêmu anja Judaia gêja Galilaia nanj.

5

Nac gêmâc anja bugêjactorj ôli najam kêsa

¹ Tonê su ma Judanênj om tenj kêdabinj, tec Jesu kêpi Jerusalem gêja.

² Ma bugêjactorj tenj kêpoac Jerusalem kêsi sacgêdô dombaña, sêsam ña Ebolai awenj gebe Betsada, ma andu sêlêb lemenj tenj kêkô tonan.

³ Lau togêmac taêsam sêc tonan, matenpec to maginj kêsu ma ñatêkwa kêtû golonj. [Êsêac sêônj gebe bu tau ñakotonj-kotonj êsa

⁴ gebe Apômtaunê anjela tenj kêsêp bu ñatonj tau jakêjali bu tonanj kêsêp ñasawa elêmê. Bu tonanj embe ñakotonj-kotonj êsa ma ñac tenj embe êsêp êtu ñamata, nanj oc ôli najam êsa, gebe bu tonanj kepenj gêmâc su paliñ-paliñgenj.]

⁵ Ñac tenj gêc tonan, nanj gêmâc gêc e najala kêtôm 38.

⁶ Jesu gêlic ñac tau gec ma kêjala gebe gêmâc tonanj gêjam enj tônj kêtôm têm taêsam su, tec kêtû kênac enj gebe “Gobe ôlim najam êsa me masi.”

⁷ Ma ñac gêmâc tau gêjô enj awa gebe “Apômtau, bu tonanj embe ñakotonj-kotonj êsa, nanj ñoc ñac tenj gebe êkênj aê jasêp bu ñatonj tau jana nanj, gêmoa atom. Tauc gabe jana, tec ñawapac ma lau sêmunj aê ñapanj.”

⁸ Tec Jesu kêsôm gêdêḅ enḅ gebe “Ôndi sa, oc nêḅ mê sa ma ôsêlêḅ,”

⁹ e gacgeḅ ḅac tau ôli ḅajam kêsa, gêoc nê mê sa ma kêsêlêḅ.

Ma gêḅ tonanḅ gêdêḅ sabat.

¹⁰ Tec Juda sêsôm gêdêḅ ḅac, tanḅ ôli ḅajam kêsa nanḅ gebe “Sabat tec gêc, amboac tonanḅ kêtôm atom gebe ôc mê.”

¹¹ Ma enḅ gêjô êsêac awenḅ gebe “ḅac nanḅ gêgôm aê ôlic ḅajam kêsa nanḅ, kêsôm gêdêḅ aê gebe ‘Oc nêḅ mê sa ma ôsêlêḅ.’ ”

¹² Ma êsêac têtû kênac enḅ gebe “ḅac asa tê kêsôm gêdêḅ aôm gebe ‘Oc nêḅ mê sa ma ôsêlêḅ.’ ”

¹³ Mago ḅac tanḅ ôli ḅajam kêsa nanḅ, gêjam kauc, gebe lau taêsam sêkac sa sêmoa ma Jesu kêtaiḅ tau su anḅa êsêacnêḅ.

¹⁴ Tonê su ma Jesu kêtap enḅ sa gêmoa lôḅ dabunḅ ma kêsôm gêdêḅ enḅ gebe “Ôlic acgom, ôlim ḅajam kêsagac. Amboac tonanḅ ôḅgôm sec êtiam atom, gebe geḅ teḅ êtap aôm sa êlêlêc gêḅunḅa su atom.”

¹⁵ Go ḅac tau jakêsôm gêdêḅ Juda gebe “ḅac tanḅ gêgôm aê ôlic ḅajam kêsa nanḅ Jesu.”

¹⁶ Amboac tonanḅ Juda seḅ oliḅ Jesu gebe gêgôm gêḅ amboac tonanḅ gêdêḅ sabat.

¹⁷ Tec Jesu gêjô êsêac awenḅ gebe “Tamoc gêjam kôm e mênḅgêdêḅ galoc, ma aê gajam kôm amboac tonanḅ.”

¹⁸ Kêtu tonanḅa Juda dêdib enḅ ḅanogeḅ sebe sênac enḅ êndu kêtu gêgôm sabat popocḅageḅ atom, kêtu biḅ, tanḅ enḅ kêsam Anôtô tau gebe Tama ma gêgôm tau kêtôm Anôtô nanḅa gêwiḅ.

Jesunê ḅaclai ḅam

19 Go Jesu gêjô êsêac awen gebe “Biñjanô, aê jasôm tobiñjanôgeñ êndên amac gebe Latu kêtôm gebe tau êngôm gêñ ten atom. Gêñ tañ enj êlic Tama gêgôm nan, go êngôm êtôm tonan, gebe gêñ, tañ Tama gêgôm nan, Latu gêgôm amboac tonanğen.

20 Tama têtac gêwiñ Latu ma kêtôc gêñ samob, tañ enj tau gêgôm nan, gêdên enj ma oc êtôc kôm êlêlêc tonan su êndên enj e amac oc êñac lememe.

21 Tama gêñu ñacmatê maten jali kêsa. Ma Latu tau êñu êsêac, tañ taê ênam nan, maten jali êsa amboac tonanğen.

22 Tama tau oc êmêtôc ñac ten atom. Enj gêwi mêtôc siñ samucgen gêdên Latu,

23 gebe ñamalac samob tetoc Latu sa êtôm tetoc Tama sa. Ten embe etoc Latu sa atom, nan oc etoc Tama, tañ kêsakiñ enj gêmên nan, sa atom amboac tonanğen.

24 “Biñjanô, aê jasôm tobiñjanôgeñ êndên amac gebe Ñac tañ gêñô ñoc biñ ma kêkên gawin ñac, tañ kêsakiñ aê nan, enj gêngôn mata jali tenğen. Ma enj oc êo lasê mêtôc atom, enj anğa gêmac êndu tau jagelom gêngôn mata jali.

25 Biñjanô, aê jasôm tobiñjanôgeñ êndên amac gebe Noc ten oc mênêsa, ma noc tau kêdabin su gebe ñacmatê sênô Anôtônê Latu awa, ma êsêac, tañ sênô nan, oc sênğon maten jali.

26 Tama mata jali ñam gêc enj tañ ma kêkên Latu mata jali ñam gêc enj tañ amboac tonanğen.

27 Ma kêkên ñac lai gêdên enj gebe êmêtôc ñamalac gebe enj Ñamalacnê Latu.

28 Anac lememe atom, gebe noc oc mênêsa ma samob, tañ sêc sêo nan, oc sênô enj awa

29 ma mênşêsa. Lau taŋ sêgôm geŋ ŋajam naŋ, sêndi sa sêŋgôn maten jali. Ma êsêac, taŋ sêgôm sec naŋ, sêndi sa gebe têtap mêtôc sa.

Lau sêwa Jesunê ŋam sa

30 “Aê katôm gebe tauc jaŋgôm gêŋ ten atom. Aê jamêtôc êtôm gaŋô. Tec ŋoc mêtôc tau jagêdêŋ gebe gagôm tauc ŋoc biŋ atom, gagôm ŋac, taŋ kêsakiŋ aê naŋgeŋ nê biŋ.

31 “Aê embe jawa tauc ŋam sa, oc jawa sa êtôm atom.

32 Ŋac ten gêwa aê ŋam sa tec gêmoa, ma aê kajala biŋ, taŋ gêwa sa kêpi aê naŋ, gebe biŋŋanô.

33 Amac tonan asakiŋ lau dêdêŋ Joaŋ sêja, ma en gêwa biŋŋanô ŋam sa,

34 mago biŋ, taŋ ŋamalac sêwa sa naŋ, aê nec kakôc sa atom, tagen kasôm biŋ tau gebe ênam amac kêsi.

35 Joaŋ kêtû ja, naŋ gelom ŋawê kêpô gamêŋ naŋ, ma amac abe atu samuc ênê ŋawê têlagen.

36 Ŋoc biŋ gêwa aê ŋam saŋa kêlêlêc Joaŋnê su, gebe kôm taŋ tamoc kêkêŋ aê gebe janac dabiŋ naŋ, tec gajam. Ma kôm tau gêwa aêŋoc ŋam sa gebe Tamoc kêsakiŋ aê.

37 Ma Tamoc, taŋ kêsakiŋ aê naŋ, gêwa aêŋoc ŋam sa. Amac aŋô ênê awa atom e alic en laŋô atom.

38 Ma ênê biŋ gêc amacnêm ŋalêlôm atom, gebe akêŋ gêwiŋ ŋac, taŋ kêsakiŋ aê naŋ atom.

39 Mêtê taŋ teto gêc naŋ, amac apuc atu dôbgeŋ amoa, abe aŋgôn matem jali tengeŋ ŋam jakêsêp biŋ tonan, ma biŋ tonan ŋai gêwa aê ŋam sagoc.

40 Mago amac abe andêŋ aê amêŋ akôc matem jali ŋam atom.

41 “Aê jakôc waec anğa ɲamalacnêɲ atom.

42 Mago aê kajala amac têmeɲac gêwiɲ Anôtôɲa gêc nêɲ ɲalêlôm atom.

43 Aê gamêɲ gajam Tamoc laɲô, mago amac akôc aê sa atom. ɲac teɲ embe êmêɲ ênam tau laɲô, go akôc eɲ sa.

44 Amac taɲ akôc waem anğa taôm nêɲ ma matem gêdiɲ waem anğa Anôtô tageɲ nê atom naɲ, atôm gebe akêɲ êwiɲ amboac ondoci.

45 Taêm ênam gebe aê jandôɲ amacnêɲ biɲ êndêɲ Tamoc nec atom. ɲac-êndôɲ-amacnêɲ-biɲwaga gêmoa, eɲ Mose, taɲ akêɲ matem eɲ amoa naɲ.

46 Embe akêɲ êwiɲ Mose, oc akêɲ êwiɲ aê, gebe ɲac tônê tê keto biɲ kêpi aê.

47 Ma embe akêɲ êwiɲ biɲ, taɲ eɲ keto naɲ atom, oc akêɲ êwiɲ aêɲoc biɲ amboac ondoci.”

6

Jesu gêlôm 5,000

(Mat 14:13-21; Mar 6:30-44; Luk 9:10-17)

1 Tônê su ma Jesu gelom bugêjacton Galilaiana, taɲ sêsam teɲ gebe Tiberiana naɲ, ɲamakeɲ ônêɲa gêja.

2 Ma lau taêsam têdaguc eɲ sêja, gebe sêlic gêɲtalô, taɲ eɲ gêgôm gêdêɲ lau gêmac naɲ.

3 Jesu kêpi lôc jagêɲgôɲ sic gêwiɲ nê ɲacsenomi.

4 Ma Judanêɲ omsêga Pasa kêdabiɲ.

5 Jesu gêoc mataanô sa e gêlic lau taêsam dêdêɲ eɲ, ma kêsôm gêdêɲ Pilip gebe “Aêac tanam ôli mo anğa ondoci gebe lau tonec sêniɲ.”

6 Biɲ tonan Jesu kêsôm gebe ênsaê eɲ, gebe tau kêjala gêɲ, taɲ gebe êɲgômɲa naɲ.

⁷ Ma Pilip gêjô eñ awa gebe “Aêac embe tanam ôli mo ña denari 200 ma mên̄takên̄ ñagec-ñagec êndên̄ êsêac êndên̄-êndên̄gen̄, mago oc êtôm atom.”

⁸ Go ênê ñacsen̄ominên̄ ten̄, Simon Petere lasi Andrea, kêsôm gadên̄ eñ gebe

⁹ “Ñapalê ten̄ kêkôc mo lemen̄ ten̄ ma i luagêc tec gêm̄oa, mago gên̄ tecenec oc êtôm lau taêsam tonec ñai amboac ondoc.”

¹⁰ Go Jesu kêsôm gebe “Asôm gebe lau sên̄gôn̄ sic.” An̄ga gamên̄ tonan̄ gêgwan̄ taêsam gêc. Amboac tonan̄ lau, tañ sên̄gôn̄ sic nan̄, amboac 5,000.

¹¹ Go Jesu kêkôc mo ma gêjam dan̄ge, go gêjac sam gêdên̄ lau, tañ sên̄gôn̄ nan̄, ma gêgôm i amboac tonan̄gen̄ gebe sên̄iñ êtôm têtac êwiñ.

¹² Sen̄ e gêôc êsêac tôn̄, go kêsôm gêdên̄ nê ñacsen̄omi gebe “Anac ñagêdôgêdô sa, gebe ten̄ ênan̄a atom.”

¹³ Mo lemen̄ ten̄gen̄ tecenan̄, mago lau sen̄ e dedec ñagêdô-gêdô gêcña, go sêjac sa kêsêp gadob 12 e mên̄gêc.

¹⁴ Ñamalac sêlic gên̄talô, tañ eñ gêgôm nan̄, tec sêsôm gebe “Propete tañ êmên̄ nom nan̄ ñac tau tonec biññanôgoc.”

¹⁵ Jesu kêjala gebe êsêac sebe sêmên̄ sêjan̄go eñ su ma sêkên̄ eñ êtu nên̄ kin̄, tec kêtaiñ taugen̄ gêc kêpi lôc gêja.

*Jesu kêsêlên̄ gêm̄oa ñadembom ñaô
(Mat 14:22-23; Mar 6:45-52)*

¹⁶ Kêtula, go nê ñacsen̄omi sêsêp bugêjacton̄ sêja

¹⁷ e sêpi wan̄ ten̄ sebe sêlac sêna Kapanaum. Gamên̄ ñakesec kêsa su, mago Jesu gêô lasê êsêac atom tagen̄,

18 ma mu gêbuc ñatêna e ñadembom secanô.

19 Sêlac e sêkên gamên kêtú sêga gêc wan̄kuña, go sêlic Jesu tau kêsêlên gêmoa ñadembom ñaôgen mênkêdabiñ wan̄ ma têtêc taun̄.

20 Tec en̄ kêsôm gêdên êsêac gebe “Aê tau tonec, atêc taôm atom.”

21 Êsêac sebe nasêkôc en̄ êpi wan̄, ma eb tagen̄ wan̄ kêsô gamên, tañ sepen̄ nan̄.

Jesu kêtú mo ñanô dan̄gôn̄ maten̄ jaliña

22 Ñagelen̄ lau, tañ sêmoa bugêjacton̄ ñamaken̄ ônêña nan̄, sêlic gebe wan̄ ten̄ kêpoac sêclun̄ gêwiñ atom, wan̄ tagen̄, ma Jesu tau gêwiñ nê ñacsen̄omi gêja atom, nê ñacsen̄omi taun̄gen̄ sêja.

23 Mago wan̄ ñagêdô an̄ga Tiberia sêlac e jasêsô gamên, tañ Apôm̄tau gêjam dan̄ge ma kêkên̄ mo êsêac sen̄ nan̄ ñagala.

24 Gêdên̄ tañ lau sêlic Jesu to nê ñacsen̄omi lan̄ônmê nan̄, ac sêpi wan̄ jasêsôm Jesu an̄ga Kapañaum.

25 Êsêac têtap en̄ sa gêmoa bu maken̄, tec sêsôm gêdên̄ en̄ gebe “Mêtêmôkê, aôm gêdên̄ ondóc gômôên̄ tonec.”

26 Ma Jesu gêjô êsêac awen̄ gebe “Biññanô, aê jasôm tobiññanôgen̄ êndên̄ amac gebe Amac asôm aê kêtú alic gêñtalôña atom, ac asôm aê kêtú aen̄ mo e gêôc amac tôn̄ña.

27 An̄gôm mocsac gên̄ taniñña, tañ êtu palê nan̄ atom, mago an̄gôm mocsac gên̄ taniñña, tañ ênêc e êkên̄ ñamalac sên̄gôn̄ maten̄ jali ten̄gen̄ña nan̄. Ñamalacnê Latu oc êkên̄ gên̄ tau êndên̄ amac gebe Tama Anôtô gêlôc gêdên̄ en̄ kêtú tôn̄ sugac.”

28 Ma êsêac sêsôm gêdêñ eñ gebe “Aêac anğôm amboac ondoc gebe anam Anôtônê kôm.”

29 Tec Jesu gêjô êsêac awen gebe “Anôtônê kôm tau tonec gebe akêñ êwiñ ñac, tañ eñ kêsakiñ nañ.”

30 Ma êsêac sêsôm gêdêñ eñ gebe “Aôm ôñğôm gêñtalô ondoc gebe aêac alic ec akêñ êwiñ aôm. Aôm ôñğôm asageñ.

31 Tameñi tec señ mana anğa gamêñ sawa kêtôm biñ, tañ teto gêc nañ gebe ‘Eñ kêkêñ mo anğa undambê gêdêñ êsêac señ.’ ”

32 Go Jesu kêsôm gêdêñ êsêac gebe “Biññanô, aê jasôm tobiññanôgeñ êndêñ amac gebe Mose kêkêñ mo anğa undambê gêdêñ amac atom. Mo ñanô undambêña tonañ Tamoc tau kêkêñ gêdêñ amac,

33 gebe ñac, tañ anğa undambê kêsêp gêmêñ ma kêkêñ ñamalac sêñğôñ maten jali nañ, tec kêtü Anôtônê mo.”

34 Ma êsêac sêsôm gêdêñ eñ gebe “Apômtau, ôkêñ mo tonañ êndêñ aêac enden tøngeñmañ.”

35 Tec Jesu kêsôm gêdêñ êsêac gebe “Aê tauc tec katu mo ñamalac sêmoa maten jaliña tau. Ñac tañ êndêñ aê êmêñ nañ, mo êjô eñ êtiam atom. Ma ñac, tañ êkêñ êwiñ aê nañ, bu êjô eñ êtiam atomanô.

36 “Aê tec kasôm gêdêñ amac su gebe Amac alic aêgac, mago akêñ gêwiñ atom.

37 Gêñ samob, tañ Tamoc kêkêñ gêdêñ aê nañ, oc êndêñ aê êmêñ ma ñac ten embe êndêñ aê êmêñ, oc jamasuc eñ atom.

38 Aê kasêp anğa undambê gamêñ gebe jañğôm tauc ñoc biñ êtu tøn atom, jañğôm ñac-kêsakiñaêwaga nê biñ êtu tøn.

39 Ma ñackêsakiñ-aêwaga tau nê biñ amboac tonec

gebe gêñ samob, tañ kêkêñ gêdêñ aêña nan, janam ñateñ sapu atom, jañu samob sêndi sa êndêñ bêc ñamuña.

⁴⁰ Tamocnê biñ tau tonec gebe lau samob, tañ sêlic Latu ma sêkêñ gêwiñ eñ nan, gêñgôn maten jali tengeñ ma aê êñu êsêac sêndi ña êndêñ bêc ñamuña.”

⁴¹ Juda sêli awen sa kêtü biñ, tañ kêsôm gebe “Aê mo kasêp anga undambê gamêñ nanña.”

⁴² Ma êsêac sêsôm gebe “Ñac tonec Josep latu Jesu me masi. Têna agêc tama tec tajalagac. Ma amboac ondoc tec galoc eñ kêsôm gebe Aê kasêp anga undambê gamêñ nec.”

⁴³ Tec Jesu gêjô êsêac awen gebe “Ali awem sa atom.

⁴⁴ Ñac ten kêtôm gebe tau êndêñ aê êmêñ atom. Tamoc tañ kêsakiñ aê gamêñ nan, embe ê eñ, go aê jañu eñ êndi sa êndêñ bêc ñamuña.

⁴⁵ Teto gêc propetenêñ buku gebe ‘Anôtô oc êndôn ñamalac samob.’ Ma samob, tañ sêñô Tamocnê biñ ma sêkôc kauc anga ênê nan, tec dêdêñ aê sêmêñ.

⁴⁶ Ten gêlic Tamoc atom, ñac tagen, tañ kêsa anga Anôtô tau nê nan, taugen tec gêlic tama.

⁴⁷ Biññanô, aê jasôm tobiññanôgeñ êndêñ amac gebe Eñ tañ kêkêñ gêwiñ nan, gêñgôn mata jali tengeñ.

⁴⁸ Mo ñamalac gêñgôn maten jaliña aê.

⁴⁹ Tamemi señ mana anga gamêñ sawa, mago sêmac êndu.

⁵⁰ Mo tecenec kêsêp anga undambê gêmêñ gebe ten embe êniñ oc êmac êndu atom.

⁵¹ Mo mata jali, tañ kêsêp anga undambê gêmêñ nan aê. Ñamalac ten embe êniñ mo tau tonec, oc

êngôñ mata jali tengeñ. Ma mo tau, tañ aê jakêñ nañ, tauc ôlic tec jakêñ gebe ñamalac samob sêngôñ mateñ jali.”

⁵² Judawaga awenşuñ gêôc ka tauñ ma sêsôm gebe “Amboac ondoc, ñac tonec kêtôm gebe êkêñ nê ôli aêac taniñ me.”

⁵³ Tec Jesu kêsôm gêdêñ êsêac gebe “Binñanô, aê jasôm tobinñanôgeñ êndêñ amac gebe Amac embe aniñ Ñamalacnê Latunê ôli to anôm ênê dec atom, oc matem jali ñam ênêc amacña atom.

⁵⁴ Eñ tañ geñ aêñoc ôlic to gênôm aêñoc dec nañ, gêngôñ mata jali tengeñ, ma aê oc jañu eñ sa êndê bêc ñamuña,

⁵⁵ gebe aêñoc ôlic kêtü gêñ taniñña ñanô tau, ma aêñoc dec kêtü gêñ tanômña ñanô tau.

⁵⁶ Eñ tañ geñ aêñoc ôlic to gênôm aêñoc dec nañ, gêmoa aê ñalêlôm ma aê gamoa eñ ñalêlôm.

⁵⁷ Tamoc mata jali kêsakiñ aê gamêñ, ma aê tec gamoa matoc jali kêtü Tamocña. Ma eñ tañ geñ aê nañ, êngôñ mata jali êtu aêña amboac tonanğeñ.

⁵⁸ Mo tau, tañ kêsêp anğa undambê gemêñ nañ, kêtôm mo, tañ tamemi señ-señ ma sêmac êndu nañ atom. Eñ tañ geñ mo tonanğ êngôñ mata jali tengeñ.”

⁵⁹ Bin tonanğ Jesu kêsôm gêdêñ kêdônğ mêtê gêmoa lôm Kapanaumña.

Bin dangôñ mateñ jaliña

⁶⁰ Ênê ñacsenomi gwalêkiñ sêñô bin tonanğ ma sêsôm gebe “Bin tonanğ ñawapac sec. Asa kêtôm gebe êkêñ taña.”

⁶¹ Jesu kêjala gêc tau gebe nê ñacsenomi sêli awenş sa, tec kêsôm gêdêñ êsêac gebe “Bin tonec kêtü kasec amac me.

⁶² Ma embe alic N̄amalacnê Latu êmu êpi gamêḅ, taḅ andanḅen ḅênḅônḅ naḅ êna, oc amboac ondod.

⁶³ N̄alau tagen êkêḅ n̄amalac sênḅônḅ materḅ jali. Ôliḅ oc ênam sa naeo. Biḅ taḅ kasôm ḅêdêḅ amac su naḅ, tau n̄alau to mata jali.

⁶⁴ Mago amacnêm ḅagêdô sêkêḅ ḅêwiḅ atom.” Jesu kêsôm biḅ tonanḅ ḅebe kêjala êsêac, taḅ sêkêḅ ḅêwiḅ en atomḅa naḅ, ma kêjala ḅac, taḅ eoc en lasêḅa naḅ kawananḅen.

⁶⁵ Tec kêsôm ḅebe “Kêtu tonanḅa tec kasôm ḅêdêḅ amac ḅebe N̄ac teḅ kêtôm ḅebe tau êndêḅ aê êmêḅ atom, Tamoc êlôc êndêḅ en aḅgom.”

⁶⁶ ḅêdêḅ tonanḅ ênê ḅacsenḅomi ḅwanḅiḅ sêwi en siḅ sêsêlêḅ sêwiḅ en kêtiam atom.

⁶⁷ Tec Jesu kêsôm ḅêdêḅ êsêac lau 12 ḅebe “Ma amac abe aêc ana amboac tonanḅen me.”

⁶⁸ Ma Simon Petere ḅêjô en awa ḅebe “Apômtau, aêac oc andêḅ asa ana, anḅônḅ materḅ jali tenḅen n̄am ḅêc aômḅen nêm, biḅ.

⁶⁹ Ma aêac akêḅ ḅêwiḅ to ajala ḅebe Anôtônê ḅac dabuḅ aôm.”

⁷⁰ Go Jesu ḅêjô êsêac awenḅ ḅebe “Aê kajaliḅ amac lau 12 sa me masi. Mago amacnêm ḅac teḅ kêtû Sadaḅnê ḅac.”

⁷¹ En kêsôm biḅ tonanḅ kêpi Simon Isariot latu Juda, taḅ ḅebe eoc en lasê naḅ. Êsêac lau 12 nêḅ ḅac teḅ en.

7

Jesu to lasii

¹ Biñ tônê su ma Jesu kêsêlêñ gêmoa Galilalagen. Enj gebe êsêlêñ êmoa Judaia atom, gebe Juda dêdib sebe sênac enj êndu.

² Judanêñ omsêga Lômbec kêdabiñ.

³ Tec Ênê lasii sêsôm gêdêñ enj gebe “Ôndi anja tonec ma ôna Judaia gebe nêñ ñacsenomi sêlic kôm, tañ aôm ôngômña nanj sêwiñ.

⁴ Ñac teñ embe taê ênam gebe nê wae êtu tapa, nanj êngôm nê gêñ ênêc lêlômgenj atom. Embe ôngôm nêñ kôm teñ, go ôtu awê êndêñ lau samob sêlic.”

⁵ Lasii sêsôm biñ tonan gebe sêkêñ gêwiñ enj atom amboac tonan.

⁶ Tec Jesu kêsôm gêdêñ êsêac gebe “Aêñoc noc kêdabiñ atom tagen, êmacgenj nêñ noc tec gêc ñapanj.

⁷ Lau nomña têtac gedec amac atom, têtac gedec aêgenj, gebe gawa êsêac sa gebe nêñ kôm keso.

⁸ Taôm api ana alic om. Aê tec oc japi jawac êndêñ om tonec atom tagen, gebe aêñoc noc kêdabiñ atom.”

⁹ Biñ tonan kêsôm gêdêñ êsêac su ma gêmoa Galilaia.

Jesu gêlic om Lômbecña

¹⁰ Lasii sêpi sêja su sebe sêlic om, go enj kêpi gêja amboac tonan, mago gêmoa awê atom, kêsij taugenj.

¹¹ Gêdêñ om tau Juda sesom enj ma sêsôm gebe “Ñac tau gêmoa ondoc.”

¹² Lau taêsam sêli awen sa kêtû enja. Ñagêdô sêsôm gebe “Enj ñac ñajam”, ma ñagêdô sêsôm gebe “Masi, enj kêsau lau.”

13 Bin tonan kēpi en, tec êsêacnêñ tenj kêsôm kētu awê atom, gebe samob têtêc Juda.

14 Sêlic om e sêkô lunjen, go Jesu kēpi lôm dabun jakêdônj mêtê gêdêñ êsêac.

15 Tec Juda sêñac lemen ma sêsôm gebe “Ñac tônê kējala mêtê amboac ondoc, têdônj en atom nec.”

16 Ma Jesu gêjô êsêac awenj gebe “Aêñoc mêtê kētu tauc êoc gêñ atom, ñac tanj kêsakinj aê gamêñ nanj, nê gêñ.

17 Tenj embe taê ênam gebe êngôm Anôtônê binj êtu tônj, oc êjala ñoc mêtê ñam gebe anja Anôtônê me aê kasôm tauc ñoc binj.

18 Ñac tanj kêsôm tau nê binj nanj, gebe êngôm tau nê wae êsa. Ma ñac tanj gebe êngôm ñac-kêsakinjenwaga nê wae êsa nanj, en ñac binjñanônja ma keso tenj gêc enja atom.

19 Mose kêkêñ binjsu gêdêñ amac atom me. Mago amacnêm tenj kêmasanj kētu tônj atom. Ma amac adib aê abe anac aê êndu êtu asagenja.”

20 Lau tau sêjô enj awa gebe “Ñalau sec gêgôm aôm. Asa gebe ênac aôm êndu.”

21 Tec Jesu gêjô êsêac awenj gebe “Aê gajam kolenj tagen ma amac samob êñac lememe.

22 Mose kêsakinj amac gebe asa ñapalê, (lêñ tau kê a anja Mosenê atom, gelom anja abeminêñ,) tec amac êsa lau gêdêñ sabat amboac tonan.

23 Embe sêsa ñac tenj êndêñ sabat gebe sensen Mosenê binjsu su atom, ma amboac ondoc tec têmtac ñandanj gêdêñ aê gebe gagôm ñac tenj ôli samucgenj ñajam kêsa gêdêñ sabat.

24 Amêtôc binj êtôm alic genj gêc dêmôêñja atom. Amêtôc akip ñam ña êndênjenj êtôm mêtôc gêdêñ.”

Jesu enj Mesia me masi

²⁵ Ma lau Jerusalemña ñagêdô sêsôm gebe “Ñac tau, tañ dêdib sebe sênac enj êndu nañ tônê me.

²⁶ Alic acgom, enj kêsôm biñ gêmôa awêgenj, mago sêsôm enj awa auc atom. Moae kasêga sêjala enj gebe enj Kilisi tau me.

²⁷ Ñac tônê aêac tajala ênê ñamgac. Mago Kilisi tau embe êmênj, nañ ñac teñ êjala ênê ñam atom.”

²⁸ Jesu kêdônj mêtê gêmôa lôm dabunj, tec kêsôm biñ kêkac awa sagenj gebe “Amac tec ajala aê to ajala ñoc ñam me masi. Tauc ñoc ñalêlôm kêkac aê tec gamênj nec atom. Enj tañ kêsakiñ aê nañ, ñac biññanoña tau, nañ amac ajam kauc enj.

²⁹ Aê tec kajala engac, gebe aê anga ênê, ma enj kêsakiñ aê tec gamênj.”

³⁰ Êsêac dêdib enj gebe sêkôc enj tôñ, mago ñac teñ lêma kêsac enj atom, gebe nê noc kêdabiñ atom tagenj.

³¹ Lau taêsam sêkênj gêwiñ enj ma sêsôm gebe “Kilisi tau embe êmênj, oc êngôm gêñtalô wakuc ondoc êlêlêc ñac tonec su.”

Juda sêsakiñ siñwaga gebe sêkôc Jesu tôñ

³² Parisai sênô gebe lau sêli awenj sa amboac tonañ, tec lau dabunjsêga to Parisai sêsakiñ sakiñwaga sêja sebe sêkôc enj tôñ.

³³ Ma Jesu kêsôm gebe “Aê jamoa saunjenj jawiñ amac acgom, go jandênj ñac, tañ kêsakiñ aê gamênj nañ jana.

³⁴ Amac oc ansom aê e atap aê sa atom, ma gamênj, tañ aê jañgônj nañ, amac oc atôm gebe naasa atom.”

³⁵ Tec Juda sêsôm gêdêñ tauñ gebe “Ñac tônê gebe êna ondoc, tec kêsôm gebe aêac tatap enj sa atom nê. Enj gebe êndêñ lau Helen me.

³⁶ Binj tec enj kêsôm gebe ‘Oc ansom aê e atap aê sa atom,’ ma ‘Gamêñ tañ aê jangôñ nanj, amac atôm gebe naasa atom,’ nec ñam amboac ondoc.”

Binj kêpi bu mata jali

³⁷ Gêdêñ omsêga ñabêc kapôêñ ñamuña nanj, Jesu gêdi ña ma kêsôm kêkac awa sagenj gebe “Ñac tenj embe bu êjô enj, go mênjênôm anja aêñoc.

³⁸ Ñac tañ kêkêñ gêwiñ aê kêtôm binj, tañ teto gêc nanj, gebe ‘Bu mata jaliña êc ñasamac kapôêñ êsa anja ênê ñalêlôm êna.’ ”

³⁹ Binj tonanj enj kêsôm kêpi Ñalau. tañ enj gebe lau-sêkêñ-gêwiñwaga êkêc anja ênê. Jesunê ñawasi kêsa atomjenj, tec Ñalau gêmênj atom tagenj.

Lau sêwa tauñ kêkôc

⁴⁰ Lau tañ sênô binj tonanj nêñ ñagêdô sêsom gebe “Ñac tonê enj propete tau, binjnanô.”

⁴¹ Ma ñagêdô sêsôm gebe “Ñac tônê enj Kilisi tau.” Mago ñagêdô sêsôm gebe “Kilisi êsa anja Galilaia me.

⁴² Binj tañ teto gêc nanj, amboac tonec gebe Kilisi êsa anja Dawidnê ñawê ma êsa anja malac Betlehem, tañ Dawid gêñgôñ nanj êmênj.”

⁴³ Amboac tonanj lau sêwa tauñ kêkôc kêtú Jesuña

⁴⁴ e lau ñagêdô sebe sêkôc enj tônj, mago ñac tenj lêma kêsac enj atom.

Judanêñ laumata sekenj gêwiñ atom

45 Sakiŋwaga dêdêŋ lau dabuŋsêga to Parisai sêmu sêja ma nêŋ ŋataui sêsôm gêdêŋ êsêac gebe “Amboac ondoc, tec akôc eŋ atom nec.”

46 Ma sakiŋwaga sêjô êsêac awen gebe “Ŋamalac teŋ kêsôm biŋ amboac ŋac tônê kêsôm nec atom-anô.”

47 Tec Parisai sêjô êsêac awen gebe “Eŋ gêwa amac ôkwi amboac tonan geŋ me.

48 Amac alic kasêga to Parisai teŋ kêkêŋ gêwiŋ eŋ su me.

49 Mago lau tônê sêjam kauc Mosenê biŋsu naŋ, acmêŋ sêbacgac.”

50 Go êsêacnêŋ ŋac teŋ, Nikodeme, taŋ gêmun geŋ gêdêŋ Jesu gêja naŋ, kêsôm gêdêŋ êsêac gebe

51 “Aêac embe taŋô ŋac teŋ nê biŋ to tajala gêŋ, taŋ eŋ gêgôm naŋ atom, biŋsu êmêtôc eŋ me masi. Oc masi.”

52 Tec êsêac sêjô eŋ awa gebe “Aôm aŋga Galilaia amboac tonan me. Ôsala ôlic acgom, propete teŋ gêdi sa aŋga Galilaia atom.”

53 Êsêac sêc gêdêŋ-gêdêŋgeŋ sêja nêŋ andu.

8

Jesu taê walô mockaiŋo

¹ [Jesu kêpi Lôckatakwi gêja

² e bêbêcgeŋ, go gemu gêja lôm dabuŋ ma lau samob dêdêŋ eŋ sêja, tec gêŋgôn sic ma kêdôn mêtê gêdêŋ êsêac.

³ Ma biŋsutau to Parisai sêwê awê teŋ, taŋ têtap eŋ sa gêjac sêmôcwalô gêŋgic naŋ, jatetoc eŋ kêkô êsêac ŋaluŋ.

⁴ Ma sêsôm gêdêŋ eŋ gebe “Mêtêmôkê, awê tonec lau têtap êsêagêc nê mockaiŋ sa.

5 Mose kêjatu gêc biṅsu gebe têtuc lau amboac tonanṅ ṅa poc êndu. Ma aôm oc ôsôm amboac ondoc.”

6 Êsêac sebe sêṅgôlinṅ biṅ êpi eṅ, tec sêsau sêôc eṅ ṅa biṅ tonanṅ. Jesu gewec ma lêmalatu keto gêṅ gêc nom.

7 Ma êsêac têtû kênac eṅ sêôc aucgeṅ sêmoa, tec eṅ kêsa sa ma kêsôm gêdêṅ êsêac gebe “Amacnêm ṅac, taṅ nê sec masi nanṅ, êtuc poc êpi awê tonec êtu ṅamata.”

8 Kêsôm su ma gewec jaketo nê gêṅ kêtiam.

9 Êsêac sêṅô biṅ tonanṅ ma têtaiṅ taunṅ tagenṅ-tagenṅ. Lau ṅanô sêc sêmuṅ e sedec Jesu taugenṅ kêkô gêwiṅ awê, taṅ kêkô ṅaluṅ nanṅ.

10 Go Jesu kêsa sa ma kêsôm gêdêṅ awê gebe “Awê tau, ma lau tau. Nêṅ teṅ kêtiṅ aôm me masi.”

11 Ma awê tau kêsôm gebe “Apômtau, masianô.” Tec Jesu kêsôm gêdêṅ eṅ gebe “Ma aê latinṅ aôm atom amboac tonanṅ. Ôna ma ôṅgôm sec teṅ êtiam atom.”]

Jesu kêtu ṅawê nomṅa

12 Go Jesu kêsôm biṅ gêdêṅ êsêac kêtiam gebe “Nom ṅaja aê. ṅac taṅ êndanṅuc aê nanṅ, êsêlêṅ tokesec atom, mata jali ṅaja êpô enṅeṅ.”

13 Ma Parisai sêsôm gêdṅ eṅ gebe “Taôm gôwa taôm nêm biṅ sa, tec nêm biṅ tonanṅ biṅṅanô atom.”

14 Go Jesu gêjô êsêac awenṅ gebe “Aê tauc embe jawa tauc ṅoc biṅ sa, go ṅoc biṅ tonanṅ biṅṅanô gebe ṅoc ṅam, taṅ kasa gamêṅ to ṅoc lêṅtêpôê, taṅ jana nanṅ kajalagac, mago amac ajam kauc ṅam, taṅ kasa gamêṅ to ṅoc lêṅtêpôê, taṅ jana nanṅ.

15 Amac amêôtôc kôtôm ñamalacnêñ kauç. Aê kêmêôtôc ñac teñ atom.

16 Aê embe jamêôtôc biñ, go ñoc mêtôc tau biññanô, gebe aê taucgeñ gamoa atom, ñac tañ kêsakiñ aê nañ, gêwiñ aê.

17 Teto gêc amac taôm nêñ biñsu gebe ‘Biñ tañ ñamalac luagêc sêwa sa kêpi tagen nañ biññanô.’

18 Aê tec gawa tauc ñam sa gamoa, mago Tamoc, tañ kêsakiñ aê nañ, gêwa aê sa gêwiñ.”

19 Tec êsêac sêsôm gêdêñ eñ gebe “Tamam gêmoa ondoc.” Ma Jesu gêjô êsêac awen gebe “Amac ajala aê atom, tec ajala Tamoc atom. Embe ajala aê, oc ajala Tamoc êwiñ.”

20 Biñ tonañ Jesu kêsôm gêmoa lôm dabuñ ma kêdônñ lau gêmoa balêm, tañ kanom kêkô nañ. Mago lau sêkam eñ tôñ atom gebe ênê noc mênkêsa atom tagen.

Gamêñ tañ aê gabe lêna nañ, amac atôm gebe naasa atom

21 Go kêsôm gêdêñ êsêac kêtiã gebe “Aê jana ma amac oc ansom aê e amac êndu tonêm secgeñ. Gamêñ tañ aê jana nañ, amac atôm gebe naasa atom.”

22 Tec Juda sêsôm gebe “Moae gebe êjainñ tau, tec kêsôm gebe ‘Gamêñ tañ aê jana nañ, amac atôm gebe naasa atom’ nec me.”

23 Go eñ kêsôm gêdêñ êsêac gebe “Amac ança elonñ, mago aê ança lôlôc. Amac ança nom tonec, mago aê ança nom tonec atom.

24 Tec kasôm gêdêñ amac gebe Amac êndu tonêm secgeñ. Ma embe akêñ êwiñ gebe aê ñac tau tonec atom, oc amac êndu tonêm secgeñ.”

25 Ma êsêac sêsôm gêdêñ eñ gebe “Ma aôm asa.” Tec Jesu kêsôm gêdêñ êsêac gebe “Êtu asageñña aê jasôm biñ êndêñ amac ñapañ.

26 Aêñoc biñ jasôm êndêñ amac to jamêtôc amacña taêsam tec gêc. Ñac tañ kêsakiñ aê gamêñ nañ, eñ ñac biññanôña, ma biñ tañ gañô anga êné nañ, kasôm lasê gêdêñ ñamalac samob.”

27 Eñ kêsôm biñ kêpi Tama gêdêñ êsêac, mago nêñ kauc kêsa atom.

28 Go Jesu kêsôm gebe “Êndêñ tañ anac Ñamalacné Latu sa nañ, ajala gebe aê tau tonec. Aê gagôm tauc ñoc gêñ atom, gêñ tañ Tamoc kêdôñ gêêdêñ aê nañ, tec kasôm.

29 Ma ñac, tañ kêsakiñ aê gamêñ nañ, tec gêwiñ aê. Eñ gedec aê taucgêñ gamoa atom, gebe aê gagôm gêñ, tañ eñ gêlic ñajam nañ, ñapañ tec gamoa.”

30 Eñ kêsôm biñ tonañ ma lau gwalêkiñ sêkêñ gêwiñ eñ.

Biññanô oc êñgamboac amac su

31-32 Go Jesu kêsôm gêdêñ Juda, tañ sêkêñ gêwiñ eñ nañ gebe “Amac embe amoa ñoc biñ ñalêlôm, oc atu aêñoc ñacsenomi ñanô “ma ajala biññanô e biññano tau eñgamboac amac su.”

33 Tec êsêac sêjo eñ awa gebe “Abrahamné ñawê aêac ma aêac atu lau teñ nêñ sakiñwaga atomanô, ma amboac ondoc tec kôsôm gebe ôñgamboac aêac su.”

34 Go Jesu gêjô êsêac awen gebe “Biññanô, aê jasôm tobiññanôgen êndêñ amac gebe Ñamalac samob, tañ sêgôm sec nañ, têtû sec ñasakiñwaga.

35 Sakñwaga oc êñgôn andu enden tôngeñ atom, latu tec êñgôn enden tôngeñ.

³⁶ Latu embe enġamboac amac su, ôc tec amoa nê m lêtêġen.

³⁷ Aê kajalagac gebe Abrahamnê wakuc amac, mago amac adib abe anac aê andu ŋam gebe aêġoc biŋ wackêsêp amacnê m ŋalêlôm atom.

³⁸ Gêġ taŋ aê galic aŋġa Tamocnê naŋ, tec kasôm. Ma biŋ, taŋ amac aŋô aŋġa tameminê naŋ, tec agôm amboac tonanġen.”

³⁹ Ma êsêac sêġô eŋ awa gebe “Tamemai Abraham.” Tec Jesu kêsôm gêdêġ êsêac gebe “Embe Abrahamnê ŋapalê amac, naŋ aŋġôm gêġ atôm Abraham acgom,

⁴⁰ ma galoc amac adib abe anac aê êndu. Aê kasôm biŋġanô, taŋ ġaŋô aŋġa Anôtônê naŋ, gêdêġ amac, tec abe anac aê. Abraham ġêġôm ġêġ amboac tonanġ atom.

⁴¹ Amac agôm tameminê ġen.” Ma êsêac sêsôm gêdêġ eŋ gebe “Mockaiŋ teŋ kêka aêac lasê atom, aêac tamemai tageŋ tec ġêmoa, eŋ Anôtô.”

⁴² Tec Jesu kêsôm gêdêġ êsêac gebe “Anôtô embe amac tamemi, oc têtmtac êwiŋ aê, gebe aê kasa aŋġa Anôtônê, ma aŋġa ênê tec ġamêġ. Tauc kakac tauc tec ġamêġ nec atom. Ŋac tau tônê kêsakiŋ aê ġamêġ.

⁴³ Ambôac ondoc tec nê m kauc kêsa kêpi aêġoc biŋ atom. Ŋam gebe amac akêġ taŋem aêġoc biŋ akêtôm atom.

⁴⁴ Amac tamemi Sadaŋ tau, ma sec, taŋ kêkac tameminê ŋalêlôm naŋ, abe aŋġôm ŋanô êsa. Ŋac tau tonanġ tôte andanġen kêtû ġêġac-ŋamalac-ênduwaga ma eŋ ġêmoa biŋġanô ŋalêlôm atom, gebe biŋġanô ġêc eŋġa atom. Embe êsôm biŋdansanġ, oc

êsôm tau nê geŋ, gebe dansaŋtênato dansaŋmôkê eŋ.

⁴⁵ Mago aê kasôm biŋŋanô, tec akêŋ gêwiŋ aê atom.

⁴⁶ Amacnêŋ asa oc eoc aêŋoc geo teŋ lasê. Aê embe jasôm blŋŋanô, ma amboac ondoc tec akêŋ êwiŋ aê atom.

⁴⁷ Ʃac taŋ aŋga Anôtônê naŋ, gêŋô Anôtônê biŋ. Amac aŋga Anôtônê atom, tec aŋô ênê biŋ atom.”

Jesu agêc Abraham

⁴⁸ Juda sêjô eŋ awa gebe “Aêac asôm gebe aôm Ʃac Samariaŋa teŋ, tec Ʃalau sec teŋ gêôc aôm nec. Aêac asôm jagêdêŋ me masi.”

⁴⁹ Tec Jesu gêjô êsêac awen gebe “Ʃalau sec teŋ gêôc aê atom. Aê katoc Tamoc sa, mago amac agôm aê êndu-êndugeŋ.

⁵⁰ Tauc gasom waec atom. Ʃac taŋ gesom Ʃoc waec ma kêmetôc biŋ naŋ, tec gêmoa.

⁵¹ Biŋŋanô, aê jasom tobiŋŋanôgeŋ êndêŋ amac gebe Ʃac teŋ embe êmansaŋ aêŋoc biŋ êtu tôŋ, oc êlic gêmacanô atom enden tôŋgeŋ.”

⁵² Ma Juda sêsôm gêdêŋ eŋ gebe “Galoc aêac ajala Ʃanôgeŋ gebe Ʃalau sec teŋ gêôc aôm. Abraham to propete sêmac êndu, mago aôm kôsôm gebe ‘Ʃac teŋ embe êmansaŋ aêŋoc biŋ êtu tôŋ, oc ênsaê gêmacanô atom enden tôŋgeŋ.’

⁵³ Aôm kôlêlêc tamemai Abraham, taŋ gêmac êndu naŋ su me. Ma propete sêmac êndu. Aôm gobe ôŋgôm taôm amboac asa.”

⁵⁴ Tec Jesu gêjô êsêac awen gebe “Embe jaŋgôm tauc waec êsa, oc Ʃoc waec Ʃanô masi. Tamoc taŋ

amac asôm gebe nê m Anôtô eñ nan, tec gêgôm aê waec kêsa.

⁵⁵ Amac ajala eñ atom, mago aê tec kajala eñgac. Aê embe jasôm gebe Kajala eñ atom, oc jatu dansantêna teñ jatôm amac. Mago aê kajala eñ tec kamasan ênê bin gamoa.

⁵⁶ Tamemi Abraham têtac ñajam gebe êlic aêñoc bêc e gêlic ma kêtú samuc.”

⁵⁷ Ma Juda sêsôm gêdêñ eñ gebe “Aômnêm jala kêtôm 50 su atom, ma gôlic Abraham amboac ondóc.”

⁵⁸ Tec Jesu kêsôm gêdêñ êsêac gebe “Binñanô, aê jasôm tobinñanôgeñ êndêñ amac gebe Abraham têna kêkôc eñ atomgeñ, ma aê gamoa.”

⁵⁹ Ma êsêac sejon poc sa sebe têtuc eñ. Tec Jesu kêtaiñ tau su anja lôm dabun kêsa awê gêja.

9

Ñac têna kêkôc eñ tomatapecgeñ mataano ñajam kêsa

¹ Jesu kêsêlêñ gêmoa e gêlic ñac teñ têna kêkôc eñ tomatapecgeñ.

² Ma nê ñacseñomi têtú kênac eñ gebe “Mêtêmôkê, asa gêgôm sec, ñac tau me têna agêc tama, tec têna kêkôc eñ tomatapecgeñ.”

³ Tec Jesu gêjô êsêac awen gebe “Ñac tau gêgôm sec atom. Têna agêc tama sêgôm sec atom. Eñ matapec gebe Anôtônê kôm teñ êtu awê êpi eñ.

⁴ Aêac tanam ñac, tañ kêsakiñ aê nan, nê kôm êndêñ elenñagen. Ñakesec êsa nan lau teñ oc sênam kôm teñ atom.

⁵ Aê gamoa nom, tec katu nom tau ñaja.”

⁶ Kêsôm biñ tonañ ma kêkasôp kêsêp nom, go kêjalij e ñalemonjoma jakêkêñ kêpi ñac tau mataanô,

⁷ go kêsôm gêdêñ eñ gebe “Ôna ma ônsañgu taôm anga bugêjacton Siloam” (tanam ôkwi gebe “Ñac tañ sêsakin eñ nanj.”) Amboac tonañ tec eñ gêja kêsagu tau su ma gêmu gêja tomataanô gêlic gamêñgenj.

⁸ Ênê lau sackapoagêdô gêdêñ tauña to êsêac, tañ gêmunjenj sêlic eñ keteñ-keteñ gêñ nanj, sêsôm gebe “Ñac tañ gêñ gônj keteñ-keteñ gêñ nanj, ñac tau tonec me masi.”

⁹ Tec ñagêdô sêsôm gebe “Aec, ñac tau tonec.” Ma ñagêdô sêsôm gebe “Masi, ñac teñ, tañ lanjônjanô kêtôm tau nanj.” Ma ñac tau kêsôm gebe “Aê tau tonec.”

¹⁰ Go êsêac sêsôm gêdêñ eñ gebe “Asagenj gêgôm matamanô kêpoa lasê.”

¹¹ Ma eñ gêjô Êsêac awenj gebe “Ñamalac tañ sêsam eñ gebe Jesu nanj, kêlalinj lemonj mênjêkêñ kêpi matocanô. Go kêsôm gêdêñ aê gebe ‘Ôna Siloam ma ônsañgu taôm.’ Tec aê gaja kasagu tauc e matocanô kêpoa lasê.”

¹² Ma êsêac sêsôm gêdêñ eñ gebe “Ma ñac tau gêmoa ondoc.” Eñ kêsôm gebe “Aê gajam kauc.”

Parisai sêkip eñ mataanô ñajam kêsa ñalêñ sa

¹³ Ma êsêac sêwê ñac, tañ gêmunjenj matapec nanj, dêdêñ Parisai sêja,

¹⁴ gebe Jesu kêjalij lemonj ma gêgôm eñ mataanô kêpoa lasê tonañ gêdêñ sabat teñ.

¹⁵ Go Parisai têtû kênac eñ kêtiam kêtû mataanô kêpoa lasêña. Ma eñ kêsôm gêdêñ êsêac gebe “Ñac tau kêkêñ nom ñalemonj kêpi matocanô ma kasagu tauc, tec matocanô galic gamêñ.”

16 Tec Parisai ñagêdô sêsôm gebe “Ñac tonañ aŋga Anôtônê atom, gebe gêjam dabuñ sabat atom.” Ma ñagêdô sêsôm gebe “ñac sec teñ oc êngôm gêntalô kapôêñ tônê ñai amboac ondocgeñ.” Ma sêwa taun kêkôc.

17 Ma sêsôm gêdêñ matapec kêtiam gebe “Ma aôm taôm oc ôsôm biñ amboac ondoc êpi ñac, tañ gêgôm matamanô kêpoa lasê nan.” Tec eñ kêsôm gebe “Eñ propete teñ.”

18 Juda sêkêñ gêwiñ gebe eñ gêmungeñ matapec ma galoc mataanô kêpoa lasê nan atom e sêmôêc ñac, tañ mataanô kêpoa lasê nan, têna agêc tama.

19 Ma têtù kênac êsêagêc gebe “Amagêc latômi, tañ asôm gebe têna kêkôc eñ tomatapecgeñ nan, ñac tau tonec me. Ma amboac ondoc tec galoc mataanô gêlic gamêñ.”

20 Ma têna agêc tama sêjô êsêac awen gebe “Aêagêc ajala gebe latuñi eñ, tañ têna kêkôc eñ tomatapecgeñ.

21 Mago mataanô gêlic gamêñ ñalêñ tec aêagêc ajam kauc. Ma ñac tañ gêgôm eñ mataanô kêpoa lasê nan, aêagêc ajam kauc eñ amboac tonañ. Atu kênac eñ. Eñ kêtù kapôêñ sugac, tau êsôm nê biñ.”

22 Têna agêc tama sêsôm amboac tonañ kêtù têtêc Judaña, gebe Juda sêsôm biñ kêpi tagen gebe “Ñac teñ embe êsam Jesu gebe Kilisi,” nan têtin eñ su aŋga gôlôacnêñ.

23 Têna agêc tama têtêc tonañ, tec sêsôm gebe “Eñ tau kêtù kapôêñ sugac, atu kênac eñ tau.”

24 Amboac tonañ sêmôêc ñac, tañ gêmungeñ matapec nan, kêtù luagêcña ma sêsôm gêdêñ eñ gebe “Ôtoc Anôtô sa. Aêac ajala gebe ñac tônê eñ ñac sec.”

25 Tec enj gêjô êsêac awenj gebe “Enj embe ñac sec, oc janam kauc. Tagenj tonec tec kajala gebe gêmunjenj matocpec, mago galoc galic gamêj.”

26 Ma êsêac sêsôm gêdêj enj gebe “Enj gêgôm asagenj gêdêj aôm. Enj gêgôm matamanô kêpoa lasê ñalêj amboac ondodoc.”

27 Enj gêjô êsêac awenj gebe “Kasôm gêdêj amac-gac mago akêj tanjem atom. Abe anjô asagenj êtiam. Amac abe atu ênê ñacsenjomi awinj me.”

28 Ma êsêac sêbu enj ma sêsôm gebe “Aôm tec kôtu ênê ñacsenjom, ma aêac tec atu Mosenê ñacsenjomi.

29 Aêac ajalagac gebe Anôtô kêsôm binj gêdêj Mose. Mago ñac tônê tec ajam kauc ênê ñam.”

30 Tec ñac tau gêjô êsêac awenj gebe “Tonanj gêj kainj tenj gebe amac ajam kauc ênê ñam, mago gêgôm matocanô kêpoa lasêgoc.

31 Aêac tajala gebe Anôtô kêkêj tanja gêdêj lau sec atom. Mago ñac tenj embe êsap Anôtô tôj ma êngôm ênê binj ñanô êsa, nanj Anôtô oc êkêj tanja enj.

32 Gêdêj andanjenj e mênjgêdêj galoc aêac tanjô ñac tenj gêgôm ñac, tanj têna kêkôc enj tomatapecgenj nanj, mataanô kêpoa lasê ñawae tenj atomanô.

33 Embe ñac tônê anja Anôtônê atom, oc êtôm gebe êngôm gêj tenj atom.”

34 Tec êsêac sêjô enj awa gebe “Tênam kêkôc aôm tosec samucgenj ma gobe ôndôj aêac me.” Ma têtinj enj kêsa gêja.

35 Jesu gêjô têtinj enj kêsa ñawae, go gêdêj tanj kêtap ñac lau sa nanj, kêsôm gebe “Aôm kêkêj gêwinj ñamalacnê Latu me masi.”

36 Ma ñac tau gêjô enj awa gebe “Apômtau, enj asa gebe jakêj êwinj enj.”

³⁷ Tec Jesu kêsôm gêdêñ eñ gebe “Aôm gôlic eñgac. Eñ ñac tau, tañ gêjam biñganjm gêdêñ aôm gêmoa.”

³⁸ Ma ñac tau kêsôm gebe “Apômtau, aê kakêñ gêwiñ.” Ma kêpôn aduc gêdêñ eñ.

³⁹ Go Jesu kêsôm gêdêñ eñ gebe “Aê gamêñ nom tonec gebe jamêtôc ñamalac, gebe êsêac, tañ sêlic gamêñ atom nañ, sêlic gamêñ, ma êsêac, tañ sêlic gamêñ sêmoa nañ, matenpec êsa.”

⁴⁰ Parisai tañ sêmoa sêwiñ eñ nañ, ñagêdô sêñô biñ tonañ ma sêsôm gêdêñ eñ gebe “Aêac matenpec amboac tonañ me.”

⁴¹ Tec Jesu kêsôm gêdêñ êsêac gebe “Amac embe matempec, go sec ênêc amacña atom. Mago galoc asôm gebe ‘Aêac alic gamêñ,’ tec nêñ sec kêsap amac tôn.”

10

Jesu kêtù ñacgejob ñajam

¹ “Biññanô, aê Jasôm tobiññanôngeñ êndêñ amac gebe Ñac tañ kêsô dombanêñ sapa gêja, mago kêsô sacgêdôña atom, kêgêli paliñ-paliñgeñ nañ, kêtù ñacgeñgeñ to kêjanğowaga teñ.

² Ma ñac tañ kêsô sacgêdôña nañ, tec dombanêñ ñacgejob eñ.

³ Ñacgejobsacgêdôwaga gêlêc katam su gêdêñ eñ, ma domba sêñô eñ awa ma eñ gêmôêc nê domba kêsam êsêacnêñ ñaêgeñ, ma gêwê êsêac ña sêja.

⁴ Kêkêñ nê domba sêsa awê su, go tau kêsêlêñ gêmun ma domba têdaguc eñ, gebe sêjala ênê awagac.

⁵ Ñac jaba teñ oc têndaguc eñ atom, oc sêc eñ, gebe sêjala lau jaba awen atom.”

⁶ Biñgôliñ tonañ Jesu kêsôm gêdêñ êsêac, ma biñ tau, tañ kêsôm gêdêñ êsêac nañ, sêlala ñam atom.

⁷ Go Jesu kêsôm biñ kêtiam gebe “Biññanô, aê jasôm tobiññanôgeñ êndêñ amac gebe Aê katu domba ñasacgêdô.

⁸ Lau samob, tañ sêmuñ aê sêmêñ nañ, geñgeñtêna to kêjañgowaga. Tageñ domba sêkêñ tajeñ êsêac atom.

⁹ Aê katu ñasacgêdô. Teñ embe êsô aêñageñ êna, oc ênam eñ kêsi. Eñ êsô êsa ma êtap nê gêñ êlôm tañña sa.

¹⁰ Geñgeñtêna gêmêñ kêtú gêñ tageñ tonecña gebe ênam geñgeñ to êmbuc ma enseeñageñ. Aê gamêñ gabe êsêac sêmoa maten jali ma nêñ gêñ êlêsuc êsêacgeñ.

¹¹ “Ñacgejob ñajam tau aê. Ñacgejob ñajam tau êmac êndú êjô domba su.

¹² Ñac tañ gêjôb kêtú awaña nañ, eñ ñacgejob ñanô atom, ma domba têtú ênê gêñ atom. Eñ êlic kêam sec êmêñ, oc êwi domba siñ ma êc êna, ma kêam sec mênêñac to ênam domba tau salin-salin.

¹³ Eñ gejob kêtú awaña, tec gê go domba tau atom.

¹⁴ Ñacgejob ñajam aê, tec kajala ñoc gêñ ma ñoc gêñ sêjala aê,

¹⁵ kêtôm Tamoc kêjala aê ma aê kajala Tamoc. Ma aê jamac êndú jajô domba su.

¹⁶ Aêñoc domba ñagêdô sêmoa. Êsêac anga ton sapa tonecña atom. Amboac tonañ kôm tonec gêjac aê ñawae gebe jawê êsêac sêmêñ e sêñô aê aoc têtú ton tageñ ma ñacgejob tageñ.

¹⁷ Aê jamac êndú gebe jañgôn matoc jali êtiam. Kêtú biñ tonañña Tamoc têtac gêwiñ aê.

18 Nac tenj êkôc matoc jali su anġa aênjoc atom, tauc jakênj êna. Natau aê tec jakênj êna, ma natau aê tec jakôc su êtiam. Tamoc kêjatu aê gebe amboac tonanġa.”

19 Ma Juda sêwa taunġ kêkôc kêtiam kêtû binġ tonanġa.

20 Êsêacnênj gwalêkinġ sêsôm gebe “Nalau sec tenġ gêgôm enġ, tec kêtû meloc. Amac akênj tanġem enġ êtu asagenġa.”

21 Ma nġagêdô sêsôm gebe “Nac tonġalau sec tenġ oc êsôm binġ amboac tonanġ atom. Nalau sec tenġ kêtôm gebe ênjgôm matenġpec matenġ êlêc me.”

Juda têtinġ Jesu su

22 Kêdabinġ om-sêjac-kawi-lôm-dabuġġa anġa Jerusalem ma komô.

23 Ma Jesu kêsêlênj gêmoa lôm dabuġ gêmoa Salomonê lôm sêlêb.

24 Tec Juda sêgi enġ auc ma sêsôm gêdênj enġ gebe “Aô, aôm gobe aêac amoa totêntac lulu e êndênj ondocġenġ. Aôm embe Kilisi tau, nanġ ôsôm lasê êndênj aêac.”

25 Ma Jesu gêjô êsêac awenġ gebe “Aê kasôm gêdênj amacġac, mago amac akênj gêwiġ atom. Kôm tanġ gagôm ġajam Tamoc lanġô nanġ, gêwa aê sa su.

26 Ma amac akênj gêwiġ atom, gebe amac anġa aênjoc dombanênj atom.

27 Aênjoc domba sênjô aê aoc ma aê kajala êsêac ma têdaguc aê.

28 Aê oc jakênj êsêac sênjgônġ matenġ jali tenġenġ. Êtôm têm samob oc sênaġa atomanô ma tenġ oc êjanġo êsêac su anġa aê lemoc atom.

29 Tamoc tañ kékêñ êsêac gêdêñ aê nañ, kêlêlêc samob su, ma ñac teñ kêtôm gebe êjañgo êsêac su aña Tamoc lêma atom.

30 Aêagêc Tamoc atu ñanô tagen.”

31 Tec Juda sejoñ poc sa kêtiam sebe têtuc eñ êndu.

32 Ma Jesu gêjô êsêac awen gebe “Aê katôc kôm ñajam taêsam aña Tamocnê gêdêñ amac alic, mago kêtû kôm tonañ ñai ñaondocña tec abe atuc aê êndu.”

33 Go Juda sêjô eñ awa gebe “Aêac abe atuc aôm êndu kêtû kôm ñajam teñña atom, kêtû biñ alôb-alôbña to kêtû aôm ñamalac, mago gôboa taôm kêtû Anôtôña.”

34 Tec Jesu gêjô êsêac awen gebe “Teto gêc amacnêm biñsu gebe ‘Aê kasôm gebe amac anôtôi.’ Teto gêc me masi.

35 Eñ kêsam lau, tañ Anôtônê biñ gêdêñ êsêac nañ, gebe anôtôi. Biñ tañ teto gêc nañ, dansen su atom.

36 Aê kasam tauc gebe Anôtônê Latu aê. Ma amboac ondoc amac asôm gêdêñ aê, tañ Tamoc gêjam dabuñ aê e kêsakiñ aê kasêp nom gamêñ nañ, gebe Kôsôm biñ alôb-alôb.

37 Embe janam Tamocnê kôm atom, go akêñ êwiñ aê atom.

38 Mago embe janam kôm tau, ma amac embe akêñ êwiñ aê atom, nañ akêñ êwiñ kômgen ma ajala to nêm kauc êsa gebe Tamoc gêmoa aê ñalêlôm ma aê gamoa Tamoc ñalêlôm.”

39 Tec êsêac sebe sêkam eñ tôñ êtiam, mago eñ gêwê êsêac lemeñ sa.

40 Go gelom Jordan ñamaken ònêña kêtiam jagêmoa gamêñ, tañ gêmunjen Joan kêsagu lau nañ.

⁴¹ Ma lau taêsam dêdêñ en sêja ma sêsôm gebe “Joan gêgôm gêñtalô ten atom, mago binj samob, tan Joan kêsôm kêpi ñac tonec nan binjanô.”

⁴² Amboac tonan lau taêsam sêkêñ gêwiñ en anga tônê.

11

Lasara gêmac êndu

¹ Ñac ten, nê ñaê Lasara, gêmac gêc Maria agêc têwao Marta nêñ malac Betania.

² Maria nan genj oso Apômtau ña gêñmalu ma gêbuñ ênê akainj ña môkêlauñ nan, lu ñac Lasara êmac gêc.

³ Tec luogêc sêsakinj binj gêdêñ Jesu gebe “Apômtau, ôlic acgom, ñac tanj têmtac gêwiñ en nan, tec gêmac gêc.”

⁴ Jesu gêñô binj tonan ma kêsôm gebe “Tonan gêmac êmac ênduñ atom, êgôm en gebe Anôtônê wae êsa. Ma Anôtô êwaka Latunê wae sa êwiñ.”

⁵ Jesu têtac gêwiñ Marta agêc lasio ma Lasara.

⁶ En gêñô gêmac tonan ñawae su, mago gêngôn gamên, tan gêmoe nan, e bêc luagêc gêjanja acgom.

⁷ Go kêsôm gêdêñ nê ñacsenomi gebe “Aêc tamu tana Judaia êtiam.”

⁸ Tec ñacsenomi sêsôm gêdêñ en gebe “Mêtêmôkê, galocgenj Juda sebe têtuc aôm ña poc êndu, ma gobe ômu ôna tônê êtiam me.”

⁹ Jesu gêjô êsêac awenj gebe “Bêc samuc tenj kêtôm ockatu ñasawa 12. Ñac tenj embe êsêlêñ êndênj ocgenj, oc êndin akainj êpi gêñ tenj atom, gebe êllc ñawê nom tonecña.

10 Nac tenj embe êsêlêñ êndêñ êmbêc, oc êndin akain, gebe njawê gêc ênê ñalêlôm atom.”

11 Enj kêsôm tonan su acgom, go kêsôm gêdêñ êsêac gebe “Aêacnêñ ñac Lasara gêc bêc su, tec gabe najanñ enj.”

12 Ma ñacseñomi sêsôm gêdêñ enj gebe “Apômtau, embe ênêc bêc, oc ênam enj sa nanj.”

13 Bin tonan Jesu kêsôm kêpi Lasara gêmac êndu, mago êsêac seboc enj kêsôm kêpi tanêc bêc talêwan tauñña.

14 Tec Jesu kêsôm lasê gêdêñ êsêac gebe “Lasara gêmac êndu.

15 Aê têtac ñajam gebe gamoa enj ñagala atom kêtù amacña, gebe akêñ êwiñ. Amboac tonan dandêñ enj tana.”

16 Ma Tom, tanj sêsam enj gebe Ôlinbôm nanj, kêsôm gêdêñ ênê ñacseñomi ñagêdô gebe “Dawin enj tanamanj, gebe tamac êndu dawin enj.”

Jesu kêtù dandi sa to dangônj maten jali ñam

17 Jesu gêô lasê ma kêtap sa gebe Lasara gêc sêlêlôm bêc aclê su.

18 Betania tonan gêc Jerusalem ñagala, intêna tau kêtôm ockatu ñasawa tagenj.

19 Tec Juda gwalêkinj dêdêñ Marta agêc Maria sêja-sebe sênac êsêac têtac tônj êtu luñija.

20 Marta gêñô Jesu gêmêñ ñawae ma kêpuc enj tontônj gêja, ma Maria gacgenj gêngônj andu.

21 Marta kêsôm gêdêñ Jesu gebe “Apômtau, aôm embe ômoa tonec, luc oc êmac êndu atom.

22 Ma kajala gêwiñ gebe Aôm embe otenj gêñ tenj êndêñ Anôtô, oc Anôtô êkêñ êndêñ aôm.”

23 Ma Jesu kêsôm gêdêñ eñ gebe “Lômñac oc êndi sa.”

24 Marta kêsôm gêdêñ eñ gebe “Aê kajalagac gebe êndêñ bêc ñamu êndêñ tañ ñacmatê sêndi sa nañ, eñ oc êndi sa êwiñ.”

25 Tec Jesu kêsôm gêdêñ eñ gebe “Sêndi sa to sêngôn maten jali ñam aê. Ñac tañ êkêñ êwiñ aê nañ, êmac êndumañ, tagen oc êngôn mata jali.

26 Lau samob, tañ sêmoa maten jali ma sêkêñ gêwiñ aê nañ, sêmac êndu atomanô, sêmoa tengeñ. Kôkêñ gêwiñ biñ tonec me masi.”

27 Ma awê tau kêsôm gêdêñ eñ gebe “Aec, Apômtau, aê kakêñ gêwiñ gebe Kilisi Anôtônê Latu, tañ êmêñ nom nañ aôm.”

Jesu kêtañ

28 Marta kêsôm biñ tonañ su ma jagêmoêc lasio Maria mênkêsôm kelecgen gêdêñ eñ gebe “Mêtêmoêc tec gêmoa ma gêmoêc aôm.”

29 Maria gêñô e gêdi sa ôb tagen gêdêñ Jesu gêja.

30 Jesu gêô lasê malaclêlôm atom, gacgen gêmoa gamêñ, tañ Marta jagêdac eñ nañ.

31 Juda tañ sêjac Maria têtac tôñ sêngôn andu sêwiñ nañ, sêlic eñ gêdi seben kês a gêja ma têdaguc eñ, seboc eñ êna sêo ma êtañ anga tônê.

32 Maria gêja e gêô lasê gamêñ, tañ Jesu gêmoa nañ, jagêlic eñ ma gêu tau jagêc eñ akaiñña, go kêsôm gêdêñ eñ gebe “Apômtau, aôm embe ômoa tonec ma luc oc êmac êndu atom.”

33 Jesu gêlic êsêac to Juda, tañ sêwiñ tauñ sêmêñ nañ, têtan e atê gêmo eñ ma kêlênim tau.

34 Go Jesu kêsôm gebe “Amac atoc ñac tau gêc ondoc.” Ma êsêac sêsôm gêdêñ enj gebe “Apômtau, ômôêñ, go ôlic.”

35 Jesu matasulu kêsa

36 ma Juda sêsôm gebe “Alic acgom, têtac gêwiñ enj ñanôgoc.”

37 Ma êsêacnêñ ñagêdô sêsôm gebe “Ñac tau, nañ gêgôm matapec mata gêlac nañ, oc kêtôm gebe ênam Lasara sa e êmac êndu atom me masi.”

Jesu gêñu Lasara mata jali kêsa kêtiam

38 Jesu atê gêmô enj kêtiam e gêo lasê sêo. Ma sêo tau nañ pocgêsun, tec sêkêñ poc tapa gêsan auc.

39 Tec Jesu kêsôm gebe “Akac poc tapa su.” Ma ñac gêmác nê luo Marta kêsôm gêdêñ enj gebe “Apômtau, ñasu kêsa gebe gêc bêc aclê su.”

40 Tec Jesu kêsôm gêdêñ enj gebe “Aê kasôm gêdêñ aôm, embe ôkêñ êwiñ, oc ôlic Anôtônê ñawasi. Kasôm me masi.”

41 Go sêkac poc su, ma Jesu mata gedec ma kêsôm gebe “Tamoc, aê gajam danje aôm gebe kôkêñ tañam aêgac.

42 Aê kajalagac gebe kôkêñ tañam aê gedenj tôñgenj. Mago kasôm biñ tau kêtú lau tec sêkôsêkô necña, gebe sêkêñ êwiñ aôm kôsakiñ aê gamêñ.”

43 Kêsôm biñ tonan su ma gêmôêc ña awa kapôêñ gebe “Lasara, ôsa ômôêñ.”

44 Ma ñacmatê kêsa toobo, nañ si enj akaiñ to lêma tôñ, ma toobo waenña, nañ sêkwa enj lanôanô auc nanjenj gêmêñ. Go Jesu kêsôm gêdêñ êsêac gebe “Anğamboac enj su ma akêñ enj êna.”

*Lau dabuñsêga to Parisai sêkic Jesunê biñ
(Mat 26:1-5; Mar 14:1-2; Luk 22:1-2)*

45 Juda tañ dêdênj Maria nañ, nêj taêsam sêlic Jesu gêgôm gêj tonañ e sêkêj gewiñ eñ.

46 Ma nêj ñagêdô dêdênj Parisai jatedônj geñ, tañ Jesu gêgôm nañ, ñawae gêdênj êsêac.

47 Tec lau dabuñsêga to Parisai sêkac laumata sa ma sêsôm gebe “Aêac danğôm amboac ondoc. Ñac tônê tec gêgôm gêñtalô taêsam.

48 Aêac embe talicgeñ ma êngôm nê gêj, oc lau samob sêkêj êwiñ eñ ma Rom mênşêjanjo aêacnêj gamêj tolaugenj su.”

49 Ma êsêacnêj ñac teñ, nê ñaê Kaiapa, tañ kêtú ñac dabuñsêga gêdênj jala tonañ gêmoa nañ, kêsôm gêdênj êsêac gebe “Amac ajam kauc biñ.

50 Ma nêj kauc kêsa kêpi biñ tonac atom gebe Ñac tagenj êmac êndú êjô lau, go êmoasiñ amac êlêlêc lau samob sênañja su.”

51 Biñ tonañ eñ kêsôm tau nê biñ atom. Eñ kêtú ñac dabuñsêga gêdênj jala tonañ gêmoa, tec geoc ñalô tonañ lasê kêpi Jesu êmac êndú êjô lauñja.

52 Eñ oc êmac êndú êjô lau tecenañgeñ atom, eñ êkatonj Anôtônê lau samob, tañ sêngônj palip-palipgeñ nañ, sa sêpi tagenj amboac tonañ.

53 Gêdênj bôc tonañ êsêac sêjac m sêkic êna biñ sênac eñ êndúña.

54 Tonañ su ma Jesu kêsêlêj gêmoa awê kêsêp Juda ñalêlôm kêtiam atom, kêtaiñ taugenj anğa tonañ gêja malac teñ, ñaê Epraim gêc kêsî gamêj sawañja, jatonê ñacsenjomi sêmoa tonañ.

55 Judanêj Pasa kêdabiñ, tec lau taêsam anğa gamêj tonañ sêpi Jerusalem sêja sêmunj Pasa ñanoc, sebe sênac dabiñ taunj.

56 Êsêac sêsôm Jesu sêmoa lôm dabuñ ma sêsôm

gêdêñ tañ gebe “Amac abe amboac ondoci, abe enj oc êmêñ êlic om êwiñ me.”

Lau dabuñsêga to Parisai sêjatu binj gebe “Ñac tenj embe êjala gamêñ, tañ Jesu gêmoa nanj, go êsôm lasê gebe sêkôc enj tôñ.”

12

Maria genj oso Jesu

(Mat 26:6-13; Mar 14:3-9)

¹ Pasa atom tagenj, bec 6genj gêc, tec Jesu gêo lasê Betania. Lasara tañ Jesu gêñu enj sa anja ñacmatênêñ nanj, gêmoa malac tonanj.

² Êsêac seno moasinj gêdêñ enj anja tonanj, tec Marta gêjam sakinj gêñ ma Lasara genj gêñ gêñgônj gêwiñ êsêac.

³ Go Maria kêkôc bu ñamalu, tañ ñaôli kapôênj nanj, kekec tenj mêngeñ oso Jesu akainj ma gêbuñ enj akainj ña môkêlauñ e bu tau ñamalu kêpônj popoc kêkô andu tonanj ñalêlôm.

⁴ Tec ênê ñacsenjominêñ tenj, Juda Isariot, tañ gebe eoc enj lasê nanj, kêsôm gebe

⁵ “Amboac ondoci sêkêñ bu tau gêdêñ lau sêjam ôli ña denari 300 atom, gebe sêkêñ ñaawa êndênj lau ñalêlôm sawa.”

⁶ Enj taê gêjam lau ñalêlôm sawa, tec kêsôm binj tonanj nec atom. Enj ñacgenjenj tec kêbic êsêacnêñ kanom, ma gêñ tañ lau sêkêñ kêsêp nanj, enj kêkôc sa.

⁷ Tec Jesu kêsôm gebe “Ondec enjenj, enj gêjam dôñ aênoc bec sênsuñ aêña.

⁸ Lau ñalêlôm sawa tec sêñgônj sêwiñ amac ñapanj, ma aê oc janğônj jawiñ amac ñapanj atom.”

Sêkic Lasaranê binj

⁹ Judanêj lau taêsam sêjô enj gêmoa tonan jawaê tec sêja, mago sêja kêtû Jesu taugenjja atom, sebe sêlic Lasara, tan Jesu gêju enj sa anja namatênên nan êwinj.

¹⁰ Lau dabujsêga sêkic binj gebe sênac Lasara êwinj,

¹¹ gebe Juda taêsam sêja kêtû enjja e sêkênj gêwinj Jesu.

Jesu kêsô Jerusalem gêja

(Mat 21:1-11; Mar 11:1-11; Luk 19:28-40)

¹² Nagelenj ma lau taêsam, tan sêo lasê kêtû omja nan, sêjô Jesu êna Jerusalem jawaê,

¹³ tec sêoc tômtômlauj sêpuc enj tôntônj sêja ma sêmôêc gebe “Osana, alanem enj, nan gêmênj gêjô Apômtau lanô nan, to Israelnênj kinj,”

¹⁴ Jesu kêtap donki njalatu tenj sa ma gêngônj njô kêtôm teto gêc gebe

¹⁵ “Sion Latuo, ôtêc taôm atom.

Ôlic acgom. nêmj kinj gêngônj donki njalatu tenj njô gêdênj aôm gêwac.”

¹⁶ Gêdênj tonan Jesunê njacsenjomi sêjala binj tonan nam atom. Mago gêdênj tan Jesu kêkôc nê njawasi sa su nan, ac taênj gêjam gebe binj tône teto kêpi enj. tec sêgôm njanô kêsa amboac tonan,

¹⁷ Lau tanj sêwinj enj gêdênj gêmôêc Lasara anja sêo ma gêju enj sa anja njacmatênênj nan, tec sêsôm binj tau lasê.

¹⁸ Amboac tonan lau sêpuc enj tôntônj sêja, gebe sêjô enj gêgôm gêntalô tonan njawaegac.

19 Ma Parisai sêsôm gêdêñ taun gebe “Kec, amac alicgac, amacnêm bin ñanô masi, lau samob jatêdaguc engeñ.”

Helen ñagêdô sebe sêlic Jesu

20 Ma Helen ñagêdô sêwiñ êsêac, tañ sêpi Jerusalem sêja nañ, sebe tetenñ mec êndênñ om.

21 Lau tau dêdênñ Pilip anga Betsaida Galilaiana sêja ma tetenñ en gebe “Apômtau, aêacmênñ abe alic Jesu.”

22 Tec Pilip jakêsôm gêdênñ Andrea ma Andrea agêc Pilip jasêsôm gêdênñ Jesu.

23 Ma Jesu gêjô êsêagêc awenñ gebe “Ñanoc kêdabinçac gebe Ñamalacnê Latunê ñawasi êsa.

24 Binñanô, aê jasôm tobinñanôgeñ êndênñ amac gebe Jançom ñawê embe êsêp nom atom, oc êtu palê atom ma tau ênêc. Êtu palê acgom, go ênam ñanô taêsam.

25 Nac tañ têtac gêwiñ gebe êmoa mata jali nañ, oc ênam sapu. Ma ñac tañ têtac gedec tau gebe êmoa mata jali anga nom tonec nañ, oc êmoasiñ enñ êngônñ mata jali tengeñ.

26 Tenñ embe ênam sakiñ aê, nañ êndançuc aêmanñ ma gamênñ, tañ aê jançônñ nañ, ñoc sakiñwaga oc êngônñ êwiñ. Tenñ embe ênam sakiñ aê, nañ Tamoc oc etoc enñ sa.

Jesu gêwa tau sa gebe êmac êndu

27 “Galoc aênoc katuc kêlênim tau, ma jasôm bin amboac ondoc. Jasôm gebe ‘Tamoc, ônam aê kêsi êndênñ noc tonec me.’ Masianô, aê gamênñ kêtuc noc tonecña.

²⁸ Tamoc, ôngôm nêma ñaê ñawae êsa.” Ma binj tenj kêsâ anja undambê gêmênj gebe “Aê gagôm ñawae kêsagac, ma oc janngôm ñawae êsa êtiam.”

²⁹ Lau tanj sêkô nanj, sênjô e sêsôm gebe “Wapap gêjac.” Ma ñagêdô sêsôm gebe “Anjela tenj kêsôm binj gêdênj enj.”

³⁰ Tec Jesu gêjô êsêac awenj gebe “Awa tônê kêsâ kêtû aêña atam, kêsâ kêtû amacña.

³¹ Galoc nom tonec ñatêm mêtôcña. Galoc Anôtô êtinj nom tonec ñatau êsa êna.

³² Ma embe sêsuj aê sa anja nom, oc jaê êsêac samob sa dêndênj aê sêmênj.”

³³ Binj tonanj enj kêsôm gebe êwa nê êmac êndu ñalênj sa.

³⁴ Tec lau sêjô enj awa gebe “Aêac tec anjô gêc binjsu gebe Kilisi tau oc êmoa tenjenj. Ma amboac ondoc aôm kôsôm sêsuj Ñamalacnê Latu sa acgom. Ñamalacnê Latu tonê asa.”

³⁵ Go Jesu kêsôm gêdênj êsêac gebe “Ja tau oc êwê amac ñasawa saunjenj ôwiñ. Asalênj atôm lau, tanj ja gêwê êsêac nanj, gebe ñakesec êtap amac sa atom. Ñac tanj kêsêlênj gêmoa ñakesec ñalêlôm nanj, gêjam kauc gamênj, tanj gebe êna nanj.

³⁶ Ja tec gêwê amac gêmoa. Amboac tonanj akênj êwiñ ja tau gebe atu ñawê latui.”

Juda sêkênj gêwiñ Jesu atom

Jesu kêsôm binj tonanj su ma gêja kêsijn tau gêdênj êsêac.

³⁷ Enj gêgôm gêntalô kapôênj taêsam êsêac sêlic, mago sêkênj gêwiñ enj atom,

³⁸ gebe propete Jesaia nê binj êtu anô gebe “Apômtau, asa lau sêkênj gêwiñ aêacma jaenj,

ma Apômtau geoc nê lêma njanac lai lasê gêdên asa.”

³⁹ Amboac tonan êsêac têtôm gebe sêkên êwiñ atom gebe Jesaia kêsôm ten gêwiñ gebe

⁴⁰ “En kêpô êsêac matejanô ôkwi

to gêjac kapoac êsêac e nêñ nalêlôm ñadani kêsa,

gebe matejanô sêlic gên atom

to gên nalêlôm sêjala bin atom ma sênam tauñ ôkwi atom,

e jangôm êsêac ñjam êsa atom.”

⁴¹ Bin tonan Jesaia kêsôm gebe gêlic Jesunê ñawasi to gêwa en sêñac.

⁴² Bin tonan gêc, mago kasêganên taêsam sêkên gêwiñ en, tagen sêsôm lasê atom kêtû Parisainja gebe têtin êsêac su anja gônacnên atom.

⁴³ Lau tonan ñai têtac gêwiñ waen, tan gêc ñamalacña nan, kêlêlêc waen, tan gêc Anôtôña nan su.

⁴⁴ Jesu gêmôêc gêc awêgen gebe “Ñac tan kêkên gêwiñ aê nan, kêkên gêwiñ aê atom, kêkên gêwiñ ñac, tan kêsakin aê gamên nan.

⁴⁵ Ma en tan gêlic aê nan, gêlic ñac, tan kêsakin aê gamên nan.

⁴⁶ Aê ja tec gamên nom, gebe ñamalac samob, tan sêkên gêwiñ aê nan, nêñ ten êmoa ñakesec atom.

⁴⁷ Ma ñac ten embe êñô aênoc bin ma êmansan atom, nan aê oc jamêtôc en atom, gebe aê gamên gabe jamêtôc lau nomña atom, gamên gabe janam lau nomña kêsi.

⁴⁸ Ñac tan kêpô aê sin ma kêkôc ñoc bin sa atom nan, kêtap nê ñac-êmêtôc-enwaga sa. Bin tan kasôm nan, êmêtôc en êndên bêc ñamuña,

⁴⁹ gebe aê kasôm tauc ñoc biñ atom, Tamoc tau, tañ kêsakiñ aê gamêñ nan, kêjatu aê kêtú biñ, tañ jasôm to jawa sa nanña.

⁵⁰ Ma aê kajala gebe ênê jatu kêtú dangôñ materñ jali tengeñ ñam. Amboac tonañ biñ, tañ gawê sa nan, gawa sa kêtôm Tamoc kêsôm gêdêñ aê.” *

13

Jesu kêkwasiñ nê ñacseñomi enñkain

¹ Om Pasa kêdabiñ su ma Jesu kêjala nê noc êwi nom tonec siñ êndêñ Tama ênaña gêsuiñ sa. En têtac gêwiñ nê lau, tañ sêmoa nom nan ñanô, ma têtac gêwiñ êsêac e gêjac dabiñ kêpi nê ñacseñomi.

² Êsêac señ gêñ sêngôñ ma Sadañ kêbaliñ biñ kêsêp Simon Isariot latu Juda su, gebe eoc Jesu lasê.

³ Jesu kêjala gebe Tama kêkêñ gêñ samob kêsêp enñ lêma to kêjala gebe mênkêsa anña Anôtônê ma oc êmu êndêñ Anôtô êna êtiam,

⁴ tec gêdi sa anña tebo ma kêkôc nê ñakwê ñaôña su ma kêkôc obo sakiñña jakêjandiñ.

⁵ Go kêkêc bu kêsêp laclu jagêjac m kêsagu ñacseñomi enñkain ma gêbuñ ña obo, tañ kêjandiñ nan.

⁶ Gêgôm e jakêsa Simon Petere, go ñac tau kêsôm gêdêñ enñ gebe “Apômtau, aôm gobe ônsañgu aê ockain me.”

⁷ Tec Jesu gêjô enñ awa gebe “Gêñ tañ galoc gagôm nan, gôjam kauc malôgeñ go ôjala.”

⁸ Ma Petere kêsôm gêdêñ enñ gebe “Masianô, aôm ônsañgu aê ockain atomanô.” Jesu gêjô enñ awa

* **12:50:** Denari tagenñ kêtú komwaganenñ ñaoli bec tagenña.

gebe “Aê embe jansaᅇgu aôm atom, oc ôwê kaiᅇ aê atom.”

⁹ Ma Simon Petere kêsôm gêdêᅇ eᅇ gebe “Apômtau, amboac tonaᅇ ockaᅇᅇᅇ atom, lemoc to môkêcapac êwiᅇ acgom.”

¹⁰ Ma Jesu kêsôm gêdêᅇ eᅇ gebe “ᅇac taᅇ gêliᅇ bu su naᅇ, êkwasᅇ tau êtiam atom, akaiᅇ tagen, gebe eᅇ kêtû selecᅇac. Amac atu selec amboac tonaᅇ, tagen samob atom.”

¹¹ Eᅇ kêjala ᅇaceoc-eᅇ-lasêwaga su, tec kêsôm gebe “Amac samob atu selec atom.”

¹² Eᅇ kesagu êsêac eᅇkaiᅇ su, go kêsô nê ᅇakwê sa kêtiam jagêᅇᅇᅇ sic ma kêsôm gêdêᅇ êsêac gebe “Amacnêm kauc kêsa kêpi gêᅇ, taᅇ gagôm gêdêᅇ amac naᅇ, me masi.

¹³ Amac tonaᅇ asam aê gebe Mêtêmôkê to Apômtau, naᅇ asôm jagêdêᅇ, gebe aê tau tonec.

¹⁴ Apômtau to mêtêmôkê tau aê embe jansaᅇgu amac emkaiᅇ, go ansaᅇgu taôm emkaiᅇ êndêᅇ-êndêᅇᅇᅇ amboac tonaᅇᅇ,

¹⁵ gebe aê katôc ᅇadôᅇᅇᅇᅇ gêdêᅇ amac gebe amac taôm aᅇᅇôm amboac gagôm gêdêᅇ amac su.

¹⁶ Biᅇᅇanô, aê jasôm tobiᅇᅇanôᅇᅇ êndêᅇ amac gebe Sakiᅇwaga kêlêlêc nê ᅇatau atom, ma jaᅇᅇwaga kêlêlêc ᅇac, taᅇ kêsakiᅇ eᅇ naᅇ atom.

¹⁷ Embe ajala biᅇ tonaᅇ ma embe aᅇᅇôm ᅇanô êsa, oc aê aoc êôc amac.

¹⁸ “Ma Jasôm êpi amac samob atom. Aê kajala lau, taᅇ kajaliᅇ êsêac sa naᅇ. Mago biᅇ, taᅇ teto gec naᅇ, êtu anô gebe ‘ᅇac taᅇ ᅇᅇ aêᅇoc mo naᅇ, gêôc akaiᅇ sa gebe êka aê.’

¹⁹ Biᅇ tau ᅇanô kêsa atom tagen, ma galoc jawa sa êndêᅇ amac kwanᅇᅇ. Ma êndêᅇ biᅇ tau ᅇanô

êsa, go akêñ êwiñ gebe aê tau tonec.

²⁰ Biññanô, aê jasôm tobiññanôgeñ êndêñ amac gebe Ten embe êkôc ñac, tañ aê kasakiñ eñ nan sa, oc êkôc aê sa. Ma ten embe êkôc aê sa, oc êkôc ñac, tañ kêsakiñ aê gamêñ nan sa.”

Jesu kêtôc ñac, tañ eoc eñ lasê nan

(Mat 26:20-25; Mar 14:17-21; Luk 22:21-23)

²¹ Jesu kêsôm biñ tonañ su e katu kêlênim tau, go gêwa sa gêc awêgeñ gebe “Biññanô, aê jasôm tobiññanôgeñ êndêñ amac gebe Amacnêm ñac ten oc eoc aê lasê.”

²² Ma ñacsenomi matenânô gêdêñ taun ma sêjam kauc ñac, tañ eñ kêsôm biñ kêkanôn eñ nan.

²³ Ñacsenominêñ ten, tañ Jesu têtac gêwiñ eñ nan, gêngôn kêsî eñña.

²⁴ Ñac tonañ tec Simon Petere kêsênic mata eñ ma kêsôm gêdêñ eñ gebe “Ôtu kênac eñ gebe biñ tonañ kêsôm kêpi asa.”

²⁵ Go Ñac tau kêsô Jesu asêtêkwa ñalabu gêja ma kêtû kênac gebe “Apômtau, asa.”

²⁶ Tec Jesu gêjô eñ awa gebe “Ñac tau tec aê oc jasac mo ñagêdô tôñ ma jakêñ êndêñ eñ.” Go kêsac mo ñagêdô tôñ ma kêkôc jakêkêñ gêdêñ Simon Isariot latu Juda.

²⁷ Ñac tau geñ su, ma Sadañ kêsêp ênê ñalêlôm gêja. Tec Jesu kêsôm gêdêñ eñ gebe “Gêñ tañ gobe ôngôm nan, ôngôm sebeñ.”

²⁸ Ma êsêac samob, tañ señ gêñ sêmoa nan, nêñ ten kêjala biñ, tañ Jesu kêsôm gêdêñ eñ nan, ñam atom.

²⁹ Nêñ ñagêdô seboc Jesu kêsôm gêdêñ eñ gebe “Ônam ôli aêacnêñ gêñ omña kwananğeñ,” gebe

Juda kêbic kanom. Năgêdô seboc eņ êkêņ gêņ êndêņ lau ņalêlôm sawa.

³⁰ Năc tau geņ gêņ su ma gacgeņ kêsa gêja. Ma gêbêcauc.

Biņsu wakuc

³¹ Juda kêsa gêja su, go Jesu kêsôm gebe “Galoc ņamalacnê Latunê ņawasi mênkêsa ma Anôtônê ņawasi kêsa kêtu eņņa.

³² Anôtônê ņawasi embe êsa êtu eņņa, go Anôtô êkêņ tau nê ņawasi êndêņ eņ amboac tonan. Ma êkêņ ênê ņawasi êsa sebeņ.

³³ ņapalêac, aê jamoa jawiņ amac ņasawa saungeņ êwiņ, go ansom aê. Ma biņ taņ kasôm gêdêņ Juda naņ, galoc jasôm êndêņ amac amboac tonan gebe Gamêņ taņ aê jana, amac atôm gebe naasa atom.

³⁴ Aê jakêņ biņsu wakuc teņ êndêņ amac gebe Akêņ nêmtac gêwiņ elom tau. Akêņ nêmtac gêwiņ elom tau êtôm aê têtac gêwiņ amac.

³⁵ Embe akêņ nêmtac gêwiņ elom tau, go samob sêjala êndêņ tonan gebe aêņoc ņacseņomi amac.”

*Jesu kêsôm lasê gebe Simon Petere ênsê eņ auc
(Mat 26:31-35; Mar 14:27-31; Luk 22:31-34)*

³⁶ Ma Simon Petere kêsôm gêdêņ eņ gebe “Apômtau aôm ôna ondoc.” Tec Jesu gêjô eņ awa gebe “Gamêņ taņ aê jana naņ, galoc kôtôm gebe ôndanĝuc aê nec atom. Malôgeņ, go ôndanĝuc.”

³⁷ Ma Petere kêsôm gêdêņ eņ gebe “Apômtau, amboac ondoc galoc katôm gebe jandanĝuc aôm atom. Aê jamac endu êtu aômņa.”

³⁸ Tec Jesu gêjô eņ awa gebe “Aôm gobe ômac êndu êtu aêņa me. Biņņanô, aê jasôm tobiņņanôgeņ

êndêñ aôm gebe Talec oc êtañ atomgeñ, ma aôm ônsa aê auc atu dim têlêac.

14

Jesu kêtu intêna daô lasê dandêñ Tameñija

¹ “Nêm ñalêlôm êiênim tau atom. Akêñ êwiñ Anôtô ma akêñ êwiñ aê.

² Tamocnê andu tec ñabalêm taêsam gêc. Embe ênêc atom, oc jasôm êndêñ amac gebe Jana jamansañ nêm gamêñ.

³ Aê jana jamansañ amacnêm gamêñ su acgom, go jamu jamêñ ma jakôc amac, gebe gamêñ, tañ aê gêñgôñ nañ, amac añgôñ awiñ.

⁴ Ma gamêñ, tañ aê jana nañ, ñaintêna amac alicgac.”

⁵ Tom kêsôm gêdêñ eñ gebe “Apômtau, gamêñ tañ aôm ôna nañ, aêac ajala atom, ma oc alic ñaintêna amboac ondoc.”

⁶ Tec Jesu kêsôm gêdêñ eñ gebe “Intêna aê ma biññanô to añgôñ matem jali ñam aê. Ñamalac ten oc êndêñ Tamoc êna atom, aê jawê eñ acgom.

⁷ Embe ajala aê, oc ajala Tamoc amboac tonañ. Galoc tec ajala eñ ma alic eñgac.”

⁸ Go Pilip kêsôm gêdêñ Jesu gebe “Apômtau ôtôc Tamam êndêñ aêac alic, go êtôm aêac.”

⁹ Tec Jesu kêsôm gêdêñ eñ gebe “O Pilip, gamoa gawiñ amac e ñêñgeñ ma kôjala aê atom me. Ñac tañ gêlic aê nañ, gêlic Tamoc su. Amboac ondoc tec kêsôm gebe ‘Ôtôc Tamam êndêñ aêac.’

¹⁰ Aê gamoa Tamoc ñalêlôm ma tamoc gêmoa aê ñalêlôm nec kôkêñ gêwiñ atom me. Biñ tañ kasôm

gêdêñ amac nan, aê tauc ñoc biñ atom. Tamoc tan gêmoa aê ñalêlôm nan, gêjam nê kôm tonan.

¹¹ Akêñ êwiñ aê gebe gamoa Tamoc ñalêlôm ma Tamoc gêmoa aê ñalêlôm. Embe masi, go akêñ êwiñ êtu kôm tonanña.

¹² Biññanô, aê jasôm tobiññanôgen êndêñ amac gebe Ñac tan kêkêñ gêwiñ aê nan, ênam kôm, tan aê gajam nan amboac tonan ma oc ênam êlêlêc tonan su, gebe aê jandêñ Tamoc jana.

¹³ Ma gêñ samob, tan aten anam aê tanôc nan, oc janğôm ñanô êsa, gebe Latu êwaka Tamanê ñawasi sa.

¹⁴ Embe aten gêñ ten êndêñ aê anam aê lanôc, oc janğôm ñanô êsa.

Jesu gêjac mata Nalau Dabuñ

¹⁵ “Embe têmtac êwiñ aê, oc amansan aêñoc biñsu.

¹⁶ Go aê jaten êndêñ Tamoc ma en êkêñ amacnêm ênamawemwaga ten gebe ômoa êwiñ amac tenjen.

¹⁷ Ñac tau Nalau biññanôña, tan lau nomña sêkôc en sa êtôm atom nan, gebe êsêac sêlic to sêjala en atom. Amac tec ajala enğac, gebe gêwiñ amac ma gêmoa amacnêm ñalêlôm.

¹⁸ “Aê oc jandec amac atôm mosêbu atom, aê oc jandêñ amac jawac.

¹⁹ Ñasawa sauñgen ma lau nomña sêlic aê êtiam atom, mago amac tec oc alic aê, gebe aê ganğôn matoc jali, tec amac oc anğôn matem jali amboac tonanjen.

²⁰ Êndêñ bêc ônê amac oc ajala gebe aê gamoa Tamoc ñalêlôm ma amac amoa aê ñalêlôm ma aê jamoa amac ñalêlôm.

21 “Nac tañ kêkôc aêñoc biñsu sa ma kamasan nañ, eñ nac têtac gêwiñ aêña. Nac tañ têtac gêwiñ aê nañ, Tamoc têtac êwiñ eñ ma aê têtac êwiñ eñ amboac tonañ ma jaoc tauc lasê jandêñ eñ.”

22 Ma Juda, Isariot latu tonañ atom, kêsôm gêdêñ eñ gebe “Apômtau, aôm gobe oc taôm lasê êndêñ aêac, mago êndêñ lau nomña atom, nañ ñam amboac ondoc.”

23 Tec Jesu gêjô eñ awa gebe “Nac teñ embe têtac êwiñ aê ma êmansañ aêñoc biñ, oc Tamoc têtac êwiñ eñ ma aêagêc andêñ eñ naañgôn awiñ eñ.

24 Ma nac tañ têtac gêwiñ aê atom nañ, kêmasañ aêñoc biñ atom. Ma biñ tau, tañ amac añô nañ, aêñoc biñ atom, Tamoc tañ kêsakiñ aê gamêñ nañ nê.

25 “Biñ tonañ nañ aê gêngôn gawiñ amac tec kasôm gêdêñ amac.

26 Ma ênam-awemwaga Njalau Dabuñ tau, tañ Tamoc êsakiñ mênênam aê lanôc nañ, oc êndôn biñ samob êndêñ amac to êwa amacnêm kauc sa e taêm ênam biñ samob, tañ kasôm gêdêñ amac nañ.

27 Aê jandec biñmalô êndêñ amac ma aêñoc biñmalô oc jakêñ êndêñ amac. Mago jakêñ êndêñ amac amboac lau nomña sêkêñ nec nec atom. Nêm ñalêlôm êlênim tau to atêc taôm atom.

28 Amac añô aê kasôm gêdêñ amac gebe jana ma oc jandêñ amac jamêñ êtiam. Embe têmtac êwiñ aê, oc têmtac ñajam êsa gebe jandêñ Tamoc jana, gebe Tamoc kapôên kêlêlêc aê su.

29 Biñ tau ñanô kêsa atom tagen, mago gabe jasôm êndêñ amac kwananjen gebe êndêñ tañ ñanô êsa nañ akêñ êwiñ.

³⁰ Aê jasôm biñ gwalêkiñ êndêñ amac êwiñ atom, gebe nom tonec ñatau êmêñ, mago oc êku aê tulu atom.

³¹ Tagen aê gagôm gêñ, tañ Tamoc kêjatu aê nañ, gebe lau nomña sêjala aê têtac gêwiñ Tamoc. Andi sa ma taêc anga tonec tana.

15

Jesu kêtú wainmôkê ñanô

¹ “Wainmôke ñanô aê ma Tamoc kêtú kôm wainña ñatau.

² Ñoc ñawalô samob, tañ gêjam ñanô atom nañ, oc eso êñgic, ma samob, tañ gêjam ñano nañ, oc ênac ñasêli su gebe ênam ñanô êlêlêc.

³ Amac atu selec su kêtú biñ, tañ kasôm gêdêñ amac nañña.

⁴ Amoa aê ñalêlôm, oc jamoa amac ñalêlôm. Ñawalô ten embe naêndiñ êsô ñamôkê atom, tau ênêc, oc êtôm gebe ênam ñanô atom. Ma amac embe amoa aê ñalêlôm atom, oc amboac tonañ.

⁵ “Wainmôkê aê ma ñawalô amac. Ñac tañ gêmoa aê ñalêlôm, ma aê gamoa en ñalêlôm nañ, gêjam ñanô taêsam, gebe aê embe jawiñ atom, oc atôm gebe anğôm gêñ ten atom.

⁶ Ten embe êmoa aê ñalêlôm atom, oc sêmbaliñ en siñ e êtu masê amboac ñawalô, tañ kêmiñ ma sejoñ sa nasêmbaliñ êpi ja gebe êniñ su.

⁷ Embe amoa aê ñalêlôm ma ñoc biñ oc ênêc amacnê ñalêlôm, ma embe têtac êwiñ gêñ ten ma aten, nañ oc akôc.

⁸ Embe anam ñanô taêsam e atu aêñoc ñacseñomi, go anğôm Tamocnê ñawasi êsa.

9 Aê têtac gêwiņ amac kêtôm Tamoc têtac gêwiņ aê. Amoa ŋoc têtac gêwiņ, taņ kepeņ amac auc naņ ŋalêlôm.

10 Embe amansaņ aêŋoc biņsu, oc amoa ŋoc têtac gêwiņ, taņ kepeņ amac auc naņ ŋalêlôm, atôm aê kamasañ Tamocnê biņsu ma gamoa ênê têtac gêwiņ, taņ kepeņ aê auc naņ ŋalêlôm.

11 “Biņ tonañ ŋai samob kasôm gêdêņ amac, gebe ŋoc têtac ŋajam wacênêc amacnêm ŋalêlôm ma ênac dabij amacnêm têtac ŋajam ênam amac auc.

12 Aêŋoc biņsu tonec gebe Akêņ nêm têtac gêwiņ elom tau êtôm aê têtac gêwiņ amac.

13 Ŋac taņ êmac êndu êjô nê lau naņ, nê têtac gêwiņ kêlêlêc ŋêņgeņ su.

14 Amac êmbe aņgôm gêņ, taņ kajatu amac naņ, oc atu aêŋoc lau.

15 Aê jasam amac gebe sakiņwaga êtiam atom, gebe sakiņwaga gêjam kauc gêņ, taņ nê ŋatau gêgôm naņ. Aê kêsam amacgac gebe atu ŋoc lau, gebe gêņ samob, taņ gaņô aņga Tamocnê naņ, tec gaoc lasê gêdêņ amac su.

16 Amac tec ajaliņ aê sa atom, aê kajaliņ amac sa ma kasakiņ amac gebe ana ma anam ŋanô, ma amacnêm ŋanô tonañ ênêc ŋapaņ. Ma gêņ taņ atenј anam aê laņôc naņ, Tamoc oc êkêņ êndêņ amac.

17 Aê jajatu amac gebe akêņ têtac gêwiņ elom tau.

Lau nomņa têtac gedec Jesunê lau

18 “Lau nomņa embe têtac endec amac, naņ taêm ênam gebe têtac gedec aê kêtu ŋamata.

19 Amac embe aņga lau nomņa nêņ, oc lau nomņa têtac êwiņ amac, gebe êsêacnêņ ŋagêdô amac.

Mago aê kajaliņ amac sa aņga lau nomņa nêņ, gebe atu lau nomņa êtiam atom, tec lau nomņa têntac gedec amac.

²⁰ Taêm ênam biņ, taņ kasôm gêdêņ amac naņ gebe Sakiņwaga kêlêlêc nê ņatau su atom. Êsêac sêjanda aêgac, tec oc sêjanda amac amboac tonañ.

²¹ Gêņ samob tonañ ņai oc sêņgôm êndêņ amac êtu ņoc ņaêņa, gebe sêjala ņac, taņ kêsakiņ aê gamêņ naņ atom.

²² Aê embe jamêņ to jawa biņ sa êndêņ êsêac atom, oc nêņ sec masi. Mago galoc embe taêņ ênam gebe sênsa nêņ sec auc, oc sêņgôm naeo.

²³ ņac taņ têtac gedec aê naņ, têtac gedec Tamoc amboac tonañ.

²⁴ Aê embe janam kôm, taņ ņac teņ gêjam atom naņ, aņga êsêacnêņ atom, go nêņ sec masi. Tagen galoc sêlic ņoc kôm tau su, mago têtac gedec aêagêc Tamoc.

²⁵ Amboac tonañ biņ, taņ teto gêc êsêacnêņ biņsu naņ, oc êtu anô gebe ‘Êsêac têtac gedec aê ņaômageņ.’

²⁶ “Êndêņ taņ jasakiņ ênam-awemwaga aņga Tamocnê êndêņ amac êmêņ, ņalau biņņanôņa, naņ êsa aņga Tamocnê naņ, oc êwa aê ņam sa.

²⁷ Ma amac awa aê ņam sa amboac tonañ, gebe amoa awiņ aê gêdêņ gajac m ņoc kôm e mêņgêdêņ galoc.

16

¹ “Biņ tonañ ņai kasôm gêdêņ amac gebe têtac lulu e anaņa atom.

² Êsêac oc têtij amac su anja gôlôacnêj. Nanoc oc mênêsa ma samob, tañ sênac amac êndu nañ, oc sênac kauc gebe sêjam sakinj gêdêj Anôtô ña gêj amboac tonaj.

³ Gêj tonaj ñai oc sêngôm gebe sêjala Tamoc atom ma sêjala aê atom.

⁴ Bij samob kasôm gêdêj amac gebe êsêac embe sêngôm gêj tau êndêj ñanoc, nañ taêm ênam gebe bij tau kasôm gêdêj amac su.

Ñalau Dabuñ nê kôm

“Gêmungej kasôm bij amboac tonaj gêdêj amac atom, gebe tauc gêngônj gawij amac.

⁵ Ma galoc jandêj ñac, tañ kêsakinj aê gamêj nañ jana, ma amacnêm ñac teñ kêtû kênac aê gebe ‘Ôna ondoc’ nec atom.

⁶ Aê kasôm bij tonaj gêdêj amac e amacnêm ñalêlôm ñawapac gêjam aucgej,

⁷ ma aê jasom bijñanô êndêj amac gebe jawi amac sij nec, oc êmoasij amac. Embe jawi amac sij atom, oc ênam-awemwaga êndêj amac êmêj atom. Embe jana, go jasakiñ eñ êndêj amac êmêj.

⁸ Ñac tonaj êmêj, go êwaka lau nomña nêj kauc sa êpi sec tau ma êpi biñgêdêj to êpi Anôtônê mêtôc.

⁹ Êpi sec gebe sêkêj gêwij aê atom.

¹⁰ Ma êpi biñgêdêj gebe jandêj Tamoc jana ma amac alic aê êtiam atom.

¹¹ Ma êpi mêtôc gebe Anôtô kêmêtôc nom tonac ñatau su.

¹² “Aênoc bij ñagêdô gwalêkinj gebe jasôm êndêj amacña tec gêc, mago galoc oc asip sa atôm atom.

13 Ma êndêñ tañ ñac ônê, Ñalau biññanôña, tau êmêñ nan, oc êwê amac ajala biññanô tau toma-lagen, gebe eñ oc êsôm tau nê biñ atom. Biñ tañ eñ gêñô nanñen, tec êsôm ma eoc biñ, tañ oc mênêsa nan, lasê êndêñ amac.

14 Ñac tau oc êwaka aêñoc ñawasi sa, gebe eñ oc êkôc su ança aêñoc ma êsôm lasê êndêñ amac.

15 Tamocnê gêñ samob kêtú aêñoc. Amboac tonañ tec kasôm gebe Ñac tau êkôc su ança aêñoc ma êsôm lasê êndêñ amac.

Ñalêlôm ñawapac ênam tau ôkwi êtu têntac ñajam

16 “Têlagen aegom ma alic aê sapu, ma têlagen êtiam, go alic aê êtiam.”

17 Ênê ñacseñomi ñagêdô sêsôm gêdêñ tañ gebe “Biñ tonec amboac ondoc, tec eñ kêsôm gêdêñ aêac nec gebe ‘Têlagen aegom ma alic aê sapu, ma têlagen êtiam, go alic aê êtiam, ma ñalô tonec ‘Aê jandêñ Tamoc jana.’ ”

18 Ma Êsêac sêsôm gebe “Biñ tonec amboac ondoc, tec eñ kêsôm nec gebe ‘Têlagen.’ Aêac tajala ênê biñ ñam atom nec.”

19 Jesu kêjala êsêac sebe têtú kênac eñ, tec kêsôm gêdêñ êsêac gebe “Amac apuc taôm gebe kasôm gebe ‘Têlagen aegom ma amac alic aê sapu, ma têlagen êtiam, go alic aê êtiam me.’

20 Biññanô, aê jasôm tobiññanôñen êndêñ amac gebe Amac oc atañ ñanô e apuc tañjiboa sa ma atañ ma lau nomña oc têtú samuc. Amac oc amoa tonêm ñalêlôm ñawapacñen, mago nêñ ñalêlôm ñawapac tonañ oc ênam tau ôkwi êtu têntac ñajam.

21 Awê teñ embe êkôc ñapalê, oc nê ñalêlôm ñawapac gebe nê noc kêdabiñgac. Mago êndêñ tañ

êkôc ñapalê su nañ, taê ênam ñandañ êtiam atom, têtac ñajam gebe kêkôc ñapalê kêtú awê sugac.

22 Amboac tonañ galoc tonêm ñalêlôm ñawapacgeñ amoa e êndêñ tañ jalic amac êtiam nañ, têtac ñajam êsa. Ma lau teñ oc sêkôc têtac ñajam su aña amacnêm êtiam atom.

23 Êndêñ bêc ônê oc atu kênac biñ teñ êndêñ aê êtiam atom. Biññanô, aê jasôm tobiññanôgeñ êndêñ amac gebe Embe atañ gêñ teñ êndêñ Tamoc anam aê lañôc, oc êkêñ êndêñ amac.

24 Mêngeñdêñ tonec amac atañ gêñ teñ ajam aê lañôc atom. Ateñ oc akôc ma têtac ñajam êsa samucgeñ.

Jesu kêku nom tau tulu

25 “Biñ tonec ñai kasôm kêtú biñgôliñ gêdêñ amac. Ma ñanoc tau mênêsa, oc janam êtu biñgôliñ êndêñ amac êtiam atom, jawa Tamoc ñam sa êndêñ amac ênêc awêgeñ.

26 Êndêñ bêc ônañ amac oc atañ gêñ anam aê lañôc, nañ aê jasôm êndêñ amac gebe aê oc jateñ êndêñ Tamoc êtu amacña êtiam nec atom.

27 Tamoc tau tec têtac gêwiñ amac, gebe amac têtac gêwiñ aê ma akêñ gêwiñ gebe aê kasa aña Tamocnê tec gamêñ.

28 Aê kasa aña Tamocnê tec gamêñ nom. Ma jawi nom siñ ma jandêñ Tamoc jamu jana êtiam.”

29 Tec ênê ñacseñomi sêsôm gebe “Kec, galoc kôsôm gêc awêgeñ, gôjam kêtú biñgôliñ atom.

30 Galoc aêac ajala gebe aôm kôjala biñ samob ma kôpô lêna lau gebe têtú kênac biñ teñ êndêñ aômña atom. Amboac tonañ tec aêac akêñ gêwiñ gebe aôm kôsa aña Anôtônê.”

³¹ Go Jesu gêjô êsêac awenj gebe “Galoc akênj gêwinj me.

³² Alic acgom, noc tenj oc mênêsa, ma noc tau kêdabinj sugac, tanj sêsa amac êlinj-êlinj amoa nê m êndênjêndênjenj ma oc andec aê taucgenj jamoa, mago oc taucgenj jamoa atom, gebe Tamoc gêwinj aê.

³³ Aê kasôm binj tonec gêdênj amac gebe to-binjmalôgenj amoa aê njalêlôm. Anja nom tonec amac amoa tonê m njalêlôm njawapacgenj, mago têmtac êpa sugenj. Aê kaku nom tau tulu sugac.”

17

Jesu ketenj mec kêtû nê njacsejomiņa

¹ Jesu kêsôm binj tonan j su, go mata gedec undambê ma keten j mec gebe “O Tamoc, njanoc kêdabinjgac, ôkênj Latômnê njawasi êsa, gebe Latôm oc êkênj aômnê m njawasi êsa.

² Aôm kôkênj enj kêtû gênj totau-totau samob njatau, gebe êkênj lau samob, tanj kôkênj gêdênj enj nanj, sênjgônj maten j jali tenjenj.

³ Sênjgônj maten j jali njam tonec gebe sêjala aôm Anôtô njanô tagen j agêc Jesu Kilisi tau, tanj kôsakin j enj gêmênj nanj.

⁴ Kôm tanj kôsakin j aê gebe janam nanj, tec gajam e gajac dabin j su ma kakênj aômnê m njawasi kêsa anja nom.

⁵ O Tamoc, galoc ôkênj njawasi, tanj gêc aomnja nanj, êndênj aê, njawasi tanj gawê kainj gêdênj nom masigen j ma gamoa gawinj aôm nanj.

⁶ “Aê gawa nê m njâ sa gêdênj njamalêc, tanj kôkênj gêdênj aê anja lau nomnja nênj. Aômnê m gênj êsêac, tec kôkbnj êsêac gêdênj aê ma sêmasan j aômnê m binj.

7 Galoc sêjala gebe gêṅ samob, taṅ kôkêṅ gêdêṅ aê naṅ, aṅga aômniêmgeṅ,

8 gebe biṅ, naṅ kôkêṅ gêdêṅ aê, tec kakêṅ gêdêṅ êsêac. Ac sêkôc sa e sêjala toṅanôgeṅ gebe aê kasa aṅga aômniêm, ma sêkêṅ gêwiṅ gebe aôm kôsakiṅ aê tec gamêṅ.

9 “Aê kateṅ kêtû êsêacṅa, kateṅ kêtû lau nom-ṅaṅa atom. Kateṅ kêtû êsêac taṅ kôkêṅ gêdêṅ aê naṅṅa, gebe nêṅm gêṅ êsêac.

10 Aêṅoc gêṅ samob kêtû aômniêm gêṅ, ma aômniêm gêṅ samob kêtû aêṅoc gêṅ, ma êsêac sêwaka aêṅoc ṅawasi sa.

11 Aê tec jaṅgôṅ nom êtiam atom, mago êsêacmêṅ gacgeṅ sêṅgôṅ nom. Ma aê jandêṅ aôm jawac. O Tamoc dabuṅ, ômansaṅ êsêac gebe sêmoa nêṅm ṅaê, taṅ kôkêṅ gêdêṅ aê naṅ ṅalêlôm, ma têtû gêṅ tagen amboac aêagêc tagen.

12 Gêdêṅ taṅ gamoa gawiṅ êsêac naṅ, kamasan êsêac sêṅgôṅ tonêṅm ṅaêgeṅ, taṅ kôkêṅ gêdêṅ aê naṅ. Aê gajob êsêac e nêṅ teṅ gêjaṅa atom, ṅac gêbac latu tagen, gebe biṅ taṅ teto gêc naṅ, êtu anô.

13 Galoc tonec aê jandêṅ aôm jawac, ma biṅ tonec jasôm aṅga nom êwiṅ gebe ṅoc têtac ṅajam ênam êsêac auc samucgeṅ.

14 Aê kakêṅ aômniêm biṅ gêdêṅ êsêac ma lau nomṅa têtac gedec êsêac, gebe êsêac aṅga lau nomṅa nêṅ atom, têtôm aê tauc aṅga nom atom amboac tonan.

15 Aê jateṅ gebe aôm ôkôc êsêac su aṅga nom atom, jateṅ gebe ojop êsêac êndêṅ ṅac sec.

16 Êsêac aṅga nom atom têtôm aê aṅga nom atom.

17 Ônam dabuṅ êsêac ṅa biṅṅanô tau, gebe

aômnêm binj kêtû binjnanô.

¹⁸ Aê kasakiñ êsêac sêmoa nom kêtôm aôm kôsaki ñ aê gamêñ nom.

¹⁹ Ma aê janam dabuñ tauc êtu êsêacña gebe êsêac têtû dabuñ tobiñnanô amboac tonañ.

²⁰ “Aê jateñ êtu êsêac tonec taunğeñña atom, jateñ êtu lau, tañ sêñô êsêacnêñ binj e sêkêñ êwiñ aê nanña êwiñ

²¹ gebe samob têtû gêñ tageñ amboac aôm, Tamoc, gômoa aê ñalêlôm ma aê gamoa aôm ñalêlôm. Ma êsêac sêmoa aêagêc ñalêlôm, ec lau nomñc sêkêñ êwiñ gebe aôm kôsakiñ aê gamêñ.

²² Ma ñawasi, tañ kôkêñ gêdêñ aê nan, tec kakêñ gêdêñ êsêac, gebe êsêac têtû gêñ tageñ amboac aêagêc tageñ.

²³ Aê gamoa êsêac ñalêlôm kêtôm aôm gômoa aê ñalêlôm, gebe ônac dabiñ êsêac têtû gêñ tageñ, ma lau nomña sêjala gebe aôm kôsakiñ aê gamêñ to têtmac gêwiñ êsêac amboac têtmac gêwiñ aê.

²⁴ “O Tamoc, aê gabe gêñ, tañ kôkêñ gêdêñ aê nan, sêmoa sêwiñ aê sêñgôn gamêñ, tañ aê oc jañgôn nan, gebe sêlic aêñoc ñawasi, tañ kôkêñ gêdêñ aê, gebe aôm têtmac gêwiñ aê gêdêñ nom ñanô kêsa atom tageñ.

²⁵ O Tamoc, ñac gêdêñ, lau nomña sêjala aôm atom, mago aê kajala aômğac, ma êsêac tonec tec sêjala gebe aôm kôsakiñ aê.

²⁶ Aê ñawa nêñ ñaê sa gêdêñ êsêac ma oc jawa sa-jawa sa jamoa, gebe nêñ têtmac gêwiñ aêña ênêc êsêacnêñ ñalêlôm ma aê jamoa êsêacnêñ ñalêlôm.”

*Sêkôc Jesu tøj**(Mat 26:47-56; Mar 14:43-50; Luk 22:47-53)*

¹ Jesu kêsôm biñ tonañ su, go gêwiñ nê ñacseñomi sêsa jaselom bu Kidron. Kôm teñ géc bu ñamaken ònêña, ma Jesu to nê ñacseñomi sêsêp kômlêlôm sêja.

² Juda tañ geoc eñ lasê nañ, gêlic gamêñ tonañ kwanañgeñ, gebe Jesu kêkac nê ñacseñomi sa ança tonañ elêmê.

³ Juda tau kêkôc lau matu teñ sa ma lau dabuñsêga to Parisai nêñ sakinwaga ñagêdô sêwiñ sêoc dawen to lamp ma laukasap sa jasêo lasê.

⁴ Jesu kêjala gêñ samob, tañ gebe êtap eñ sa nañ kwanañgeñ, mago kêsa jakêsôm gêdêñ êsêac gebe “Amac asôm asa.”

⁵ Ma êsêac sêjô eñ awa gebe “Jesu Nasaretña.” Go eñ kêsôm gêdêñ êsêac gebe “Aê tau tonec.” Ma Juda tañ gebe eoc eñ lasê nañ, kêkô gêwiñ êsêac.

⁶ Jesu kêsôm gêdêñ êsêac gebe “Aê tau tonec,” ma êsêac sênu taungeñ e jasêu taun sêc.

⁷ Tec eñ kêtú kênac êsêac kêtiam gebe “Amac asôm asa.” Ma êsêac sêsôm gebe “Jesu Nasaretña.”

⁸ Tec Jesu gêjô êsêac awen gebe “Aê kasôm gêdêñ amac su gebe aê tau tonec. Embe ansom aê, ma andec êsêac onec sêna.”

⁹ Biñ tonañ gebe ênê biñ, tañ kêsôm nañ, êtu anô gebe “Êsêac tañ kôkêñ gêdêñ aê nañ, gajam êsêacnêñ teñ sapu atom.”

¹⁰ Ma Simon Petere, nañ nê siñ géc, tec gêbuc sa jakêpa dabuñsêganê sakinwaga tañalauñ anôña su, ma sakinwaga tau nê ñaê Malku.

¹¹ Tec Jesu kêsôm gêdêñ Petere gebe “Ônsêmun siñ êmu êsêp ñaatali êna. Laclu tañ Tamoc kêkêñ

gêdêñ aê nan, oc janôm gêñ êsêp atom me.”

Jesu kêkô dabuñsêga lanôñnêm

¹² Lau tonj tonaj to nêñ kapitai ma Judanêñ sakiñwaga sêkôc Jesu ma sêsô enj tôn.

¹³ Go sêwê enj dêdêñ Anas sêja, Kaiapa tanj kêtú ñac dêbuñsêga gêdêñ jala tonaj gêmoa nan iawa.

¹⁴ Kaiapa tau tec kêsôm gêdên Juda gebe “Ñac tagenj êmac êndu êjo lau, go êmoasiñ lau êlêlêc.”

Petere gêsa Jesu auc

(Mat 26:69-70; Mar 14:66-68; Luk 22:55-57)

¹⁵ Simon Petere agêc ñacseñom tenj têdaguc Jesu sêja. Ma ñac dabuñsêga kêjala ñacseñom tonangac, tec gêwin Jesu kêsô ñac dabuñsêga nê andu ñamalacluj gêja.

¹⁶ Ma Petere kêkô sacgêdô ñadêmôêña. Go ñacseñom, tanj ñac dabuñsêga kêjala enj su nan, kêsá jakêmasañ binj gêdêñ awê gejob sacgêdôña ma gêwê Petere agêc sêsô sêja.

¹⁷ Ma awê gejob sacgêdôña kêsôm gêdêñ Petere gebe “Aôm kôtu ñac tônê nê ñacseñom tenj gôwinj me.” Ma enj kêsôm gebe “Masi.”

¹⁸ Gamêñ ñaluc ma kômwaga to sakiñwaga sêmakop ja ma sêsêlu sêkô, tec Petere kêsêlu ja kêkô gêwinj êsêac.

Dabuñwaga kêtú lêsu Jesu

(Mat 26:59-66; Mar 14:55-64; Luk 22:66-71)

¹⁹ Ma ñac dabuñsêga kêtú kênac Jesunê ñacseñomi to nê mêtê ñam gêdêñ enj.

²⁰ Tec Jesu gêjô enj awa gebe “Aê kasôm binj gêdêñ lau samob gamoa awêgenj ma kadônj mêtê gamoa

lôm malacɲa to lôm dabuɲ, taɲ Juda samob sêkac sa naɲ, elêmê ma kasôm biɲ teɲ kasiɲ atom.

²¹ Aôm kôtu kênac aê kêtú asageɲɲa. Ôtu kênac lau-sêɲô-biɲwaga acgom, gebe êsêac tec sêjala aêɲoc bi ɲ, taɲ kasôm naɲ.”

²² Kêsôm bi ɲ tonanɲ gêmóa ma sakiɲwaga, taɲ sêkô naɲ, nêɲ teɲ kêtáp Jesu kêsêp alianô ma kêsôm gebe “Aôm gôjô ɲac dabuɲsêga awa amboac tonanɲ me.”

²³ Tec Jesu gêjô eɲ awa gebe “Embe jasôm eso, naɲ ôwa sa gebe keso. Ma embe jasôm êndêɲ, ma amboac ondoc gôjac aê.”

²⁴ Go Anas gêsô eɲ tôɲ ma kêsakiɲ eɲ tolêpoagenɲ gêdêɲ ɲac dabuɲsêga Kaiapa gêja.

Petere gêsa Jesu auc kêtiam

(Mat 26:71-75; Mar 14:69-72; Luk 22:58-62)

²⁵ Simon Petere kêsêlu ja kêkô ma êsêac sêsôm gêdêɲ eɲ gebe “Aôm aɲga ênê ɲacseɲominêɲ teɲ amboac tonanɲ me.” Ma eɲ kêpa tau gebe “Masi.”

²⁶ Go ɲac dabuɲsêga nê sakiɲwaganêɲ teɲ, ɲac taɲ Petere kêpa eɲ taɲalaɲ su naɲ gwadê, tec kêsôm gebe “Aôm tonec tê galic aôm gômoa kôm gôwiɲ eɲ nê me.”

²⁷ Ma Petere kêpa tau kêtiam, tec sep tagenɲ talec kêtanɲ.

Jesu kêkô Pilata lanjônêm

(Mat 27:1-2, 11-14; Mar 15:1-5; Luk 23:1-5)

²⁸ Bêbêcgeɲ ma sêwê Jesu aɲga Kaiapanê sêja gôliɲwaganê andu. Juda taɲ sêsô gôliɲwaganê andu sêja atom, têtêc gebe sêɲgôm taɲ têtú sec a têtôm gebe sêniɲ Pasa sêwiɲ atom.

29 Amboac tonañ Pilata kêsa gadêñ êsêac gêja ma kêsôm gebe “Atiñ biñ ondoc ñakaiñ kêpi ñac tonec.”

30 Ma êsêac sêjô eñ awa gebe “Ñac tonañ êmbe ñac secanô atom, aêac oc akôc eñ andêñ aôm amêñ atom.”

31 Tec Pilata kêsôm gêdêñ êsêac gebe “Amac taêm akôc eñ awac ma amêtôc eñ êtôm amacnêm biñsu.” Ma Juda sêsôm gêdêñ eñ gebe “Aêacma jao kêkô gebe anac ñamalac teñ êndu atom.”

32 Biñ tonañ kêsa gebe Jesunê biñ, tañ kêsôm gêwa nê êmac êndu ñalêñ sa nañ, êtu anô.

33 Amboac tonañ Pilata kêsô gôliñwaganê andu gêja kêtiam jagêmôêc Jesu ma kêtü kênac eñ gebe “Judanêñ kiñ aôm me masi.”

34 Tec Jesu gêjô eñ awa gebe “Aôm taôm taêm gêjam biñ tonañ tec kôsôm, me lau ñagêdô sêwa aê ñam sa gêdêñ aôm.”

35 Ma Pilata gêjô eñ awa gebe “Aê Juda me. Aômnêm lau to lau dabuñsêga sêkêñ aôm gôdêñ aê gômôêñ. Aôm gôgôm asagen.”

36 Ma Jesu gêjô eñ awa gebe “Aêñoc gamêñ gêc nom tonec atom. Embe aêñoc gamêñ ênêc nom tonec, oc ñoc lau sênac siñ ma Juda sêkôc aê têtñ atom. Mago aêñoc gamêñ gêc tonec atom.”

37 Ma Pilata kêsôm gêdêñ eñ gebe “Amboac tonañ aôm kiñ teñ me.” Tec Jesu gêjô eñ awa gebe “Kôsôm gac, aê kiñ teñ. Tinoc kêkôc aê tec gamêñ nom tonec gebe jawa biññanô sa. Lau samob, tañ nêñ ñam kasêp biññanô nañ, sêñô aê aoc.”

38 Ma Pilata kêsôm gêdêñ eñ gebe “Biññanô tau tonañ asagen.”

Pilata kêkic Jesunê biñ

(Mat 27:15-31; Mar 15:6-20; Luk 23:13-25)

Kêsôm biñ tonañ su, go kêsa gêdêñ Juda gêja kêtiam ma kêsôm gêdêñ êsêac gebe “Aê katap biñ teñ sa kêpi ñac tônê atomanô.

³⁹ Amacnêm mêtê teñ tec gêc gebe jañgamboac ñac teñ su êtôm Pasageñ êndêñ amac. Ma galoc abe jañgamboac Judanêñ kiñ su êndêñ amac me masi.”

⁴⁰ Ma êsêac sêmôêc sêôc aucgeñ kêtiam gebe “Eñ atom, Baraba.” Ma Baraba tau tonañ eñ kêjañgowaga teñ.

19

¹ Gocgo Pilata kêsôm sêkôc Jesu tôñ ma si eñ ña lêpoa.

² Ma sêkôc okêm mênjsêmôê kêtú sunsun, go sêkêñ eñ kêkuc ma sêu ñakwê asôsamuc gêsac eñ,

³ go jasêkô eñ lañônêmña ma sêsêm gebe “Judanêñ kiñ, ômoa ñajamôn.” Ma têtap eñ kêsêp alianô.

⁴ Pilata kêsa gêja kêtiam ma kêsôm gêdêñ êsêac gebe “Alic acgom, aê jawê eñ êsa awê êndêñ amac, go taôm ajala gebe katap biñ teñ sa kêpi eñ atom.”

⁵ Go Jesu tosunsun okêm ma tonjakwê asôsamuc kêsa awê gêdêñ êsêac gêja. Ma Pilata kêsôm gêdêñ êsêac gebe “Alic ñamalac tau tonec.”

⁶ Lau dabuñsêga to sakiñwaga sêlic eñ e sêmôêc gebe “Ônac eñ êpi kakesotau êna. Ônac eñ êpi kakesotau êna.” Tec Pilata kêsôm gêdêñ êsêac gebe “Taôm akôc eñ awac ma anac eñ êpi kakesotau, gebe aê tauc tec katap biñ teñ sa kêpi eñ atom.”

7 Juda sêjô enj awa gebe “Aêacma biñsu tenj gêc, ma êtu biñsu tonanña tec enj êmac êndu, gebe kêsam tau gebe Anôtônê Latu.”

8 Pilata gêñô biñ tonan e kêtêc tau ñanô,

9 ma kêsô gôliñwaganê andu gêja kêtiam jakêtu kênac Jesu gebe “Aôm anga ondoc,” e Jesu gêjam tau tôñ.

10 Tec Pilata kêsôm gêdêñ enj gebe “Aôm gôjam taôm tôñ aê me. Aôm kôjala gebe aê katu ñatau janğamboac aôm suña to ñatau janac aôm ôpi kake-sotaunja me masi.”

11 Ma Jesu gêjô enj awa gebe “Anôtô lôlôcña embe êlôc atom, aôm ôtu aêñoc ñatau atom. Amboac tonan ñac, tañ kêkêñ aê gadêñ aôm gamêñ nan, nê sec kêlêlêc aômnêm su.”

12 Pilata gêñô biñ tonan tec gesom intêna êñgamboac enj suña, mago Juda sêmôêc sêôc aucgenj gebe “Embe ôñgamboac ñac tonan su, oc kaisaranê ñac aôm atom. Ñac tenj embe êñgôm tau êtu kiñ nan, oc etoc tau sa êndêñ kaisara.”

13 Pilata gêñô biñ tonan su, go gêwê Jesu kêsa awê e Pilata tau gêñgônj lêpônj sêmêtôc biñña, nan kêkô gamêñ, tañ sêsam sebe “Masacpoc” nan, sêsam ña Ebolai awenj gebe “Gabata.”

14 Biñ tonan sêgôm gêdêñ bêc, tañ sêmasan taun kêtü Pasaña nan. Ñaoc kêkô ñaluñgenj ma Pilata kêsôm gêdêñ Juda gebe “Alic nêm kiñ tauma ac-gom.”

15 Ma lau tau sêmôêc gebe “Enañamanj, ênanñamanj. Ônac enj êpi kakesotau.” Tec Pilata kêsôm gêdêñ êsêac gebe “Amac abe aê janac amacnêm kiñ êpi kakesotau êna me.” Ma lau dabuñsêga sêjô enj awa

gebe “Aêacma kiñ masi, kaisara taugen.”

¹⁶ Sêsôm su, go kèkêñ Jesu gêdêñ êsêac gebe sênac enj êpi kakesotau.

Sêjac Jesu kêpi kakesotau

(Mat 27:32-44; Mar 15:21-32; Luk 23:26-43)

Amboac tonan sêkôc Jesu sa sêja.

¹⁷ Enj tau gêoc nê kakesotau ma sêsa gamêñ, tan sêsam gebe “Gamêñ môkêlacña” nanj sêja, sêsam ña Ebolai awenj gebe “Golgata.”

¹⁸ Jasêjac enj kêpi kakesotau anja tonan, ma ñac luagêc sêwiñ enj senkaleñ maken-maken, ma Jesu kêsêp ñalunjen.

¹⁹ Ma Pilata keto ñalô tenj ma gêjac tamiñ kakesotau. Ñalô tau gebe “Judanêñ Kiñ Jesu Nasaretna.”

²⁰ Gamêñ tanj sêjac Jesu kêpi kakesotau nanj, gêc malacgala, tec Juda taêsam sêsam ñalô tau. Ma teto ñalô tau ña Ebolai ma Rom to Helen awenj.

²¹ Tec Judanêñ lau dabunjsêga sêsôm gêdêñ Pilata gebe “Oto gebe ‘Judanêñ kiñ atom,’ oto gebe ‘Enj tau kêsam tau gebe Judanêñ kiñ aê.’ ”

²² Ma Pilata gêjô êsêac awenj gebe “Binj tanj kato nanj katogac.”

²³ Sinjwaga sêjac Jesu kêpi kakesotau su acgom, go sêboa ênê ñakwê sa gêja toê aclê kêtôm êsêac sinjwaga kêtômgenj. Ma ñakwê ôliña gacgenj gêc. Ñakwê balinj tau sêsi atom, sêwa samucgenj anja gêsutêkwa ma kêsêp e gêdêñ akainj,

²⁴ ma sêsôm gêdêñ tauñ gebe “Takac êngic atom, tapuc kapoac ma takêñ êndêñ ñac tenj êkôc samucgenj.” Sêgôm tonan gebe binj, tanj teto gêc nanj, êtu anô gebe

“Êsêac sêjac sam aênjoc ñakwê gêdêñ tauñ

ma sêpuc kapoac kêtû ñoc ñakwê baliñña.”
Gêñ tonañ siñwaga sêgôm.

²⁵ Jesu têna agêc têna saun, Kleopanê awê Maria, ma Maria Magdalaña sêkô Jesunê kakeso-
tau ñalabu.

²⁶ Jesu gêlic têna agêc ñacsenjom, tañ têtac gêwiñ
en nañ, agêc sêkô sêwiñ taun, tec kêsôm gêdên têna
gebe “Awê, ôlic latôm tonañ.”

²⁷ Go kêsôm gêdên ñacsenjom tau gebe “Ôlic tênam
tonañ.” Ma gêdên ñasawa tau tonañgen ñacsenjom
tau kêkôc Jesu têna sa jagênngôn ênê andu gêwiñ en.

Jesu gêmac êndu

(Mat 27:45-56; Mar 15:33-41; Luk 23:44-49)

²⁸ Tonañ su ma Jesu kêjala gebe gêjac dabiñ nê
gêñ samob e gêbacnê gebe biñ, tañ teto gêc nañ, êtu
anô, tec kêsôm gebe “Bu géjô aê.”

²⁹ Laclu tobu ñamakic kêkô, tec sêsac mêckelep tôn
kêsêp bu ñamakic ma sêjac kêsô ôpic jasêsun kêpi
gêdên en awasun gêja.

³⁰ Jesu gênôm bu ñamakic tau su ma kêsôm gebe
“Gajac dabiñ sugac.” Go môkêapac gêjac tuluc ma
kêkên nê katu gêja.

Sêgun Jesu kêsêp nê bl

³¹ Gêdên bêc tonañ, bêc sêmansañ taun êtu
Pasaña, tec Juda teten Pilata gebe êkên lau têtuc
lau tau enkañ tulu ma sêkôc êsêacnên ñawêlêlan
su. Teten en nañ ñam gebe ñawêlêlan senkaleñ
kakesotau êndên sabbat atom, gebe sabbat tonañ
kapôn kêlêlêc.

³² Amboac tonañ siñwaga jatêduc ñac ñamataña akainj tulu ma ñac, tañ sêjac enj geñkaleñ ñamakenañ, sêgôm enj amboac tonañgeñ.

³³ Go dedeñ Jesu sêja e sêlic enj gêmác êndu su, tec têtuc enj akainj tulu atom.

³⁴ Mago siñwaga teñ gêgunj enj ña kem ñamata kêsêp nê bi e gacgeñ dec to bu kêsa.

³⁵ Ma ñac, tañ gêlic geñ tau nañ, kêsôm lasê ma kêsôm lasê tobiññanôgeñ. Ñac tau kêjala gebe kêsôm biññanô gebe amac akêñ êwiñ amboac tonañ.

³⁶ Sêgôm gêñ tonec gebe biñ, tañ teto gêc nañ, êtu anô gebe “Êsêac oc têtuc ênê ñatêkwa teñ tulu atom.”

³⁷ Ma biñ tonec êwiñ gebe “Lau oc matenj e ñac, tañ sêgunj enj nañ.”

Êsêac sêsun Jesu kêsêp sê

(Mat 27:57-61; Mar 15:42-47; Luk 23:50-56)

³⁸ Biñ tonañ su acgom, go Jesunê ñacseñom teñ, tañ gêjam nê ñalêlôm auc kêtú kêtêc Judaña nañ, Josep anja Arimatia, keteñ Pilata gebe êkôc Jesunê ñaweleanj su, tec Pilata gêlôc. Amboac tonañ Josep jakêkôc ñawêlêlanj tau su.

³⁹ Ma Nikodeme, tañ gêmungeñ gedenj gêbêc gedenj Jesu gêja nañ, kêkôc katêkwi to môsê sêgalunj gawinj tau kêtôm dôñ 100 ma gêja amboac tonañ.

⁴⁰ Êsêac lau tonañ jasekôc Jesunê ñawêlêlanj su ma sêsabanj togeñmalugeñ kêsêp obo kwalamkwalam kêtôm Juda sesabanj nêñ ñacmatê semoa.

⁴¹ Kôm teñ gêc gamêñ, tañ sêkêñ Jesu kêpi kakesotau nañ ñagala, ma sêô wakuc teñ gec kôm tonañ

ñalêlôm, tañ tetoc ñacmatê teñ gêc gêmuj su atom-anô.

⁴² Ac tetoc eñ gec tonañ gebe Judanêñ bêc sêmansañ taunja gêbacnê, tec sesuj Jesu gêc sêo tonañ dambegen.

20

Jesu gêdi sa anja ñacmatênêñ

(Mat 28:1-8; Mar 16:1-8; Luk 24:1-12)

¹ Gêdêñ woke ñabêc ñamata ñabêbêc kanucgen nañ Maria Magdalaña gêja sêo e gêlic sêkac poc su anja sêawa.

² Tec kêlêti jakêsôm gêdêñ Simon Petere agêc ñacsenjom, tañ Jesu têtac gêwiñ eñ nañ gebe “Êsêac sêkôc Apômtau sa anja sêo ma ajam kauc gamêñ, tañ tetoc eñ gêc nañ.”

³ Tec Petere agêc ñacsenjom tau sêsa sêo sêja.

⁴ Agêc sêlêti lulugen sêwiñ taun sêja e ñacsenjom, nañ kêlêlêc Petere ma gêmuj jagêo lasê sêo kêtû ñamata

⁵ jakêruc kêniñ e gêlic obo kwalam-kwalam gêc, mago eñ tau kêsêp gêja atom.

⁶ Simon Petere kêdaguc e gacgen kêsêp sêlêlôm gêja ma gêlic obo kwalam-kwalam gêc,

⁷ ma obo waenja, tañ sêu gêsac môkêapac nañ, gêc gêwiñ obo kwalam-kwalam tonañ atom, sêluj sa ma tetoc gêc taunja.

⁸ Gocgo ñacsenjom, tañ jagêo lasê sêo kêtû ñamata nañ, kêsêp ñalêlôm gêja e gêlic ma kêkêñ gêwiñ,

⁹ gebe agêcnêñ kauc kêsa kêpi biñ, tañ teto gêc gebe Eñ oc êndi sa anja ñacmatênêñ nañ, su atom tagen.

¹⁰ Tonañ su, go ñacsenjomagêc sêc sêmu sêja.

*Jesu geoc tau lasê gêdêñ Maria Magdalaña
(Mat 28:9-10; Mar 16:9-11)*

11 Maria mênkêtañ kêkô sê ñamagê. Kêtañ ma kêtuc kênin kêsêp sê ñalêlôm

12 e gêlic anela luagêc tonêñ ñakwê ñaeb ñaôma sêngôn gamêñ, tañ tetoc Jesunê ñawêlêlan gêc nañ ñamala, ten gêngôn en mômêapacña ma ten gêngôn en akaiña.

13 Ma agêc sêsôm gêdêñ en gebe “Awê, aôm kôtañ asagen.” Tec en kêsôm gêdêñ êsêagêc gebe “Êsêac sêkôc ñoc Apômtau sa ma aê gajam kauc gamêñ, tañ tetoc en gêc nañ.”

14 Kêsôm bin tonañ su ma kêkac tau ôkwi e jagêlic Jesu kêkô, mago kêjala en gebe Jesu nec atom.

15 Tec Jesu kêsôm gêdêñ en gebe “Awê, aôm kôtañ asagen. Aôm gosom asa.” Ma awê tau geboc en ñac-gejob-kômwaga ten, tec kêsôm gêdêñ en gebe “Apômtau, embe aôm ôkôc en su, nañ ôsôm gamêñ, tañ kotoc en gêc nañ, ñam êndên aê, ma jakôc en jamêñ,”

16 Go Jesu awa gêjac en gebe “Maria.” Tec awê tau gêjac tau ôkwi ma kêsôm gêdêñ en ña Ebolai awen gebe “Rabuni,” gebe “Mêtêmôkê.”

17 Tec Jesu kêsôm gêdêñ en gebe “Ômoasac aê atom, gebe kapi gadên Tamoc gaja atom tagen. Ôndên lasici naôsôm êndên êsêac gebe ‘Aê japi jandên aê Tamoc to ac Tamemi, jandên êc Anôtô to amacnêm Anôtô jana acgom.’ ”

18 Amboac tonañ Maria Magdalaña jakêsôm lasê gêdêñ ñacsenomi gebe “Aê galic Apômtau su, tec kêsôm bin tonec gêdêñ aê.”

*Jesu geoc tau lasê gêdêñ ñacsenjomi
(Mat 28:16-20; Mar 16:14-18; Luk 24:36-49)*

19 Woke ñabêc ñamataña tonañ ñakêtula ma ñacsenjomi sêlai balêm, tañ sêngônñ nan, ñakatam auc gebe têtêc Juda. Go Jesu jakêkô êsêac ñaluñgeñ ma kêsôm gêdêñ êsêac gebe “Biñmalô êndêñ amac.”

20 Kêsôm biñ tonañ su, go kêtôc lêma to nê bi gêdêñ êsêac. Tec ñacsenjomi têtac ñajam kêsa gebe sêlic Apômtau.

21 Go Jesu kêsôm gêdêñ êsêac kêtiam gebe “Biñmalô êndêñ amac, aê jasakiñ amac amboac Tamoc kêsakiñ aê.”

22 Kasôm biñ tonañ su, go gêju awajaô kêpi êsêac ma kêsôm gebe “Akôc Ñalau Dabuñ êwac.

23 Embe asuc launêñ sec ôkwi, oc ênaña, ma embe aê tôñ, oc gacgeñ ênêc êsêacña.”

Jesu agêc Tom

24 Gêdêñ tañ Jesu mêngeoc tau lasê nan, êsêac 12 nêñ teñ, Tom, tañ sêsam eñ gebe Ôlinbôm nan, gêmoa gêwiñ êsêac atom.

25 Tec ñacsenjomi ñagêdô sêjac miñ gêdêñ eñ gebe “Aêac alic Apômtau su.” Ma eñ kêsôm gêdêñ êsêac gebe “Aê embe jalic bêlêm ñamala, tañ gêc ênê lêma nan atom, ma embe jakêñ lemoclatu êsêp bêlêm ñamala atom, ma embe jakêñ lemoc êsô ênê bi atom, oc jakêñ êwiñ atomanô.”

26 Ñabêc 8 gêjaña acgom, go ñacsenjomi sêngônñ balêm kêtiam ma Tom gêwiñ êsêac. Ac sêlai katam auc sêngônñ, ma Jesu jakêkô êsêac ñaluñgeñ, go kêsôm gebe “Biñmalô êndêñ amac.”

27 Ma kêsôm gêdêñ Tom gebe “Ôkêñ Iêmamlatu ênsac tecenec ma ôlic lemoc ma ôkêñ lêmam êsô ñoc bi ec têmtac lulu atom, ôkêñ êwiñgeñ.”

28 Tec Tom gêjô eñ awa gebe “O ñoc Apômtau to êôc Anôtô.”

29 Ma Jesu kêsôm gêdêñ eñ gebe “Aôm kôkêñ gêwiñ kêtú gôlic aêña me. Aê aoc êôc êsêac, tañ sêlic ñanô atom ma sêkêñ êwiñ.”

Joan keto buku tonec kêtú ñam amboac ondocña

30 Jesu gêgôm gêñtalô gwalêkiñ nê ñacsenomi sêlic, mago teto samob tomalagen kêsêp buku tonec atom.

31 Teto tonanjen gebe akêñ êwiñ Jesu, gebe Kilisi tau, Anôtônê Latu eñ, ma akêñ êwiñ gebe anğon matem jali êtu ênê ñaêña.

21

Jesu geoc tau lasê gêdêñ ñacsenomi 7

1 Tonañ su, go Jesu geoc tau lasê gêdêñ nê ñacsenomi kêtiam anğa bugêjacton Tiberiana, ma ñamiñ tau tonec.

2 Simon Petere agêc Tom, tañ sêsam eñ gebe Ôlinbôm nañ, ma Natanael anğa Kana Galilaiana, ma Sebedai latuagêc to ñacsenomi ñagêdô nêñ lu-agêc, ac sêñgôn sêwiñ taun.

3 Ma Simon Petere kêsôm gêdêñ êsêac gebe “Aê jana jansom i.” Tec êsêac sêsôm gêdêñ eñ gebe “Aêac awiñ aôm.” Ac sêsa jasêpi wañ teñ ma gêdêñ gêbêc tonañ têtap i teñ sa atom.

4 Gêdêñ gelenmata, go Jesu kêkô ambêô ma nê ñacsenomi sêjala eñ gebe Jesu nec atom.

⁵ Tec Jesu kêsôm gêdênj êsêac gebe “Napalêac, amacnêm gênj taniñja teñj gêc me masi.” Ma êsêac sêjô enj awa gebe “Masi.”

⁶ Go kêsôm gêdênj êsêac gebe “Au wasañj êsêp wañj ñalêsijn, tañj kêsi anôñja nanj, ma oc atap ñanô sa.” Sêu kêsêp gêja ma sebe sênam jaônj êpi êmênj e sêgôm jageo gebe i taêsam gêwê.

⁷ Ma ñacsenjom tañj Jesu têtac gêwiñj enj nanj, kêsôm gêdênj Petere gebe “Op, Apômtaugoc.” Simon Petere gênjô gebe Apômtau, tec kêkwa tau auc ña nê ñakwê, tañj kêkôc su gêc nanj, ma gêu tau kêsêp bu gêja.

⁸ Ñacsenjomi ñagêdô towañgenj sêpoac jabanj bau amboac tasaka ñasawa êtôm 50, tec sêjam jaônj wasañj toigenj kêpi bau gêja.

⁹ Jasêsô bau e sêlic ja kêsa ma i to mo kêsa gêwiñj.

¹⁰ Tec Jesu kêsôm gêdênj êsêac gebe “Akôc i, tañj galoc alô nanj, ñagêdô amênj.”

¹¹ Tec Simon Petere kêpi wañj gêja ma gêjam jaônj wasañj, tañj i kapônj 153 sêwê e tonjoma nanj, kêpi bau gêja, mago wasañj gênjgic atom.

¹² Go Jesu kêsôm gêdênj êsêac gebe “Amênj, anijn gênj bêbêcña acgom.” Nacsenjomi samob têtêc tañj e nêñj teñj katu kênac enj gebe “Aôm asa,” nec atom. Êsêac sêjala enjgac gebe enj Apômtau.

¹³ Go Jesu kêkôc mo jakêkênj gêdênj êsêac ma i amboac tonañgenj.

¹⁴ Jesu gêdi sa anja ñacmatênênj ma geoc tau lasê gêdênj nê ñacsenjomi kêtú dim têtêacña tonanj.

Jesu agêc Petere

¹⁵ Senj gênj su, go Jesu kêsôm gêdênj Simon Petere gebe “Joanj latu Simon, aôm têtêc gêwiñj aê kêtêlêc êsêac tônê su me masi.” Tec Simon gêjô enj awa

gebe “Aec, Apômtau, aôm kôjala gebe aêḥoc ḥalêlôm gêwiḥ aôm. “Ma Jesu kêsôm gêdêḥ eḥ gebe “Ojop aêḥoc domba ḥalatu.”

¹⁶ Go Jesu kêtû kênac eḥ kêtiam kêtû dim luagêc gebe “Joanḥ latu Simon, aôm têtmac gêwiḥ aê me masi.” Tec Simon gêlôc gêdêḥ Jesu gebe “Aec, Apômtau, aôm kôjalagac gebe aêḥoc ḥalêlôm gêwiḥ aôm.” Ma Jesu kêsôm gêdêḥ eḥ gebe “Ojop aêḥoc domba.”

¹⁷ Go kêtû kênac eḥ kêtû dim têtêac gebe “Joanḥ latu Simon, aômnêm ḥalêlôm gêwiḥ aê me masi.” Tec Peterenê ḥalêlôm ḥawapac kêsâ, gebe kêtû kênac eḥ katu dim têtêac gebe “Aômnêm ḥalêlôm gêwiḥ aê me masi,” ma kêsôm gêdêḥ eḥ gebe “Apômtau, aôm kôjala gêḥ samob, aôm kôjala gebe ḥoc ḥalêlôm gêwiḥ aôm.” Ma Jesu kêsôm gêdêḥ eḥ gebe “Ojop aêḥoc domba.

¹⁸ Biḥḥanô, aê jasôm tobiḥḥanôgeḥ êndêḥ aôm gebe Aôm ḥapalêgeḥ, tec taôm kôjandiḥ nêm ômbiḥkap ma kôsêlêḥ gôja gamêḥ, taḥ gobe ôna naḥ. Ma embe otu ḥac lanḡwa, oc ôlam lêmam ma teḥ êjandiḥ aômnêm ômbiḥkap ma êwê aôm ôna gamêḥ, taḥ taôm godec gebe ôna atom naḥ.”

¹⁹ Jesu kêsôm biḥ tonanḥ gebe êtôc Peterene lêḥ êmac êndu ma êwaka Anôtônê ḥawasi saḥa. Kêsôm biḥ tonanḥ su ma keteḥ eḥ gebe “Ôndanḡuc aê.”

Jesu agêc ḥacsenom, taḥ eḥ têtac gêwiḥ naḥ

²⁰ Petere kêkac tau ôkwi e gêlic ḥacsenom, taḥ Jesu têtac gêwiḥ eḥ naḥ kêdaguc. Gêdêḥ êsêac seḥ Pasa ma eḥ gêc kêsi Jesuḥa ma kêsôm gebe “Apômtau, asa oc eoc aôm lasê.”

²¹ Tec Petere gêlic enj e kêsôm gêdênj Jesu gebe “Apômtau, ma ñac tônê oc amboac ondoc.”

²² Ma Jesu kêsôm gêdênj enj gebe “Aê embe têtac tenj gebe enj êmoa e jamu jamênj, nanj oc aômnêm binj me. Aôm tec ôndançuc aêgenj.”

²³ Amboac tonanj binj tonec kêsa gêdênj lasitêwai ñagêdô gêja gebe Nacsenjom tônê oc êmac êndu atom. Jesu kêsôm ñalô tonec gebe “Enj êmac êndu atom” nec atom. Enj kêsôm tagenj tonec gebe “Aê embe têtac tenj gebe enj êmoa e jamu jamênj, nanj oc aômnêm binj me.”

²⁴ Nacsenjom tonec tec gêwa binj tau ñai ñam sa ma keto binj tau ma aêac ajala gebe binj, tanj gêwa sa nanj binjanô.

²⁵ Jesu gêgôm gênj ñanô ñagêdô gwalêkinj gêwinj. Aê taêc gêjam gebe êsêac embe sêwa samob sa tomalagenj ma teto, oc êsêp papia taêsam e ênam ñom aucgenj.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 18 Apr 2025 from source files dated 31 Aug 2023

447e01c5-a375-5452-ae54-b3f890293eeb